



咸平集卷第十六

律詩七言

寄江南諸相知并序

京

兆

田

錫

錫自復命丹墀改官祕省翌日中書傳帝旨授綸言
承要衝委用之恩倅近甸轉輸之職因拜表上樂府
新解十卷升平詩三十篇驟蒙聖恩遷升小諫澤國
桃花之色俄染華纓丹臺藁簡之文遽司編綴未及
徧飛牋翰遠謝交朋俄聞信自於宣城併閱寄來之
雅句因得七言一章聊用奉疇仍錄所進升平詩以

為遠信寄陳處士微公廬江秀才
詩成奏入冕旒前小諫官資驟轉遷帶職喜為仙館
吏立班常近御爐煙清華拜命知深忝謬非才愧
皆賢多謝宣城舊知己寄來新句滿花牋

乾明節祝聖壽

十九首內七首流落河朔

此下

百辟歡呼降誕辰金樽獻酒願千春延年不假丹砂
効享壽全由聖德新古物進來兼藥鼎畫圖呈處有
仙人君恩若賞歌詩意應念甘泉侍從臣
生日稱觴自六宮香焚甲觀畫堂中太平曆數歸英
主上壽年齡屬聖躬玉樹有花因瑞雪鈞天呈曲在

虛空三公進賀禎祥事先奏河清達帝聰
吾皇享福自無涯百辟稱觴禮數加韶樂揭天如上
界壚香映日似輕霞空中紫氣圓成蓋海上蟠桃暖
放花感應聖人千萬壽神仙日月屬官家

皇朝令節號乾明萬國嘻：若大廷多士進詩隨禹
貢千官獻酒祝堯齡天香曉降聞仙樂南海秋來見
壽星黎庶更思瞻盛禮待封日觀禪雲亭
鸞盃進酒近天顏拜舞風清響珮環瑞日正高重御
宴撤鞭纜定再催班霓旌絳節仙家樂金闕銀臺海
上山綺陌晚來迴望處建章樓閣紫雲間

聖節祥煙藹御鑪殿
連嚴肅響山呼
赭袍日照來天上
玉佩風清侍座隅
古字數行仙藥訣
蛟綃十幅壽星圖
遠方拜表來朝貢
兼賀虹流電繞樞
漢家臺榭與天通
甲觀蒼々紫氣中
佳節夜來宣受賀
壽盃朝進祝延洪
管絃嘈囋驚花發
風日晴和向雪融
宴次宮鸚忽飛過
隨呼萬歲語玲瓏
君王降誕繼陶唐
每至嘉辰覩異祥
宮樹曉來生瑞露
金門夜半有天香
皇親朝覲隨章奏
中使頒宣散道場
萬國人臣皆悅樂
魏々聖德自無疆
慶誕長生寶殿中
非煙五色覆諸宮
酒為天祿資君

壽曲奏霓裳
樂帝聰
翡翠簾前雲氣紫
珊瑚枝上雪花紅
太平天子聞稱賀
先喜年々遇歲豐
聖節思歸會
帝京得隨班列祝
文明河清見底為嘉
瑞海水無波
表太平
月夜忽聞仙樂奏
宮中時有彩雲生
詩成拜表同封進
願繼詞臣雅韻聲
日上浮橐第一枝
東方樓閣曙光時
萬邦將啟乾明宴
兩制應宣御製詩
樂感羽毛皆率舞
神和福祿自來宜
諫垣班列天顏近
暫乞歸朝侍玉墀
河朔雖云近
帝鄉時逢慶誕
祝君王身心常在
三清路曉夕先裝
一炷香
聖壽如山
隨地久思光似日與

天長微臣所貴無他物唯獻新詩十九章

相州郡樓贈高祕丞

年來歸興憶皇州頻向花時倚郡樓南陌春光芳樹
遠西郊山色曉雲浮國家無事邊陲靜風俗還淳禮
讓修吟得新詩謝知己將何才術稱分憂

贈楊監察坦時相州通判

昔日長安際會時客情鄉思兩依依金門次第俱升
達雲路高低各奮飛御史班資知任重諫官章綬愧
才微今來共理藩宣事自古相逢似此稀

郡樓書懷

館殿嘗為侍從臣出公憂寄牧黎民時平事簡多公
暇樓迥風清欲暮春樹杪壺關千嶂疊天邊漳水綠
波新帝鄉永日憑欄望心羨浮雲向紫宸

池上

溝堰新分野水來池邊日夕自徘徊餘花飛盡空芳
樹落絮繁多滿綠苔輦下歸心春館殿天邊凝睇晚
樓臺郡齋欲立題詩石御史丞郎各有才

暮雨

春天寒慘欲昏黃一點霏忽繞廊城漏晴催相共
滴花塵輕溼乍聞香風生水際來將密轉簾文灑

處光獨向郡齋心自喜豐年宜賀待飛章

中夜聞泉

昨日西山野外通聲如秋雨帶松風誰憐鄴下重城
夜却似江南解暑中燭燼垂花飄硯席月華凝雪映
簾櫳此時新得潺湲聽吟詠狂思學謝公

言懷

遠山蒼翠滿西樓宣甲遺風古相州春曉落花經雨
盡夜來寒水繞堂流詔條靜理無才術袞職思歸侍
冕旒吟寄良交若為意安眠不得似諸侯

呈楊侍御

權公憂寄理漳濱惠化何曾及相民條奏事宜思復
古興脩風教望還淳靜當細雨初封印冷對餘花自
送春清景好陪池上酌故人情分策相親

除夜

紅燭垂花酒滿卮繞廊風細動簾帷已從半夜分春
漏即是平明受歲時右省轉官因大慶元正立仗憶
丹墀吟思何日承宣召却得金門和御詩

元日

去年元會立班時簪紱光輝與禮儀今日洛川逢歲
旦延留賓客樂昌期朝雲暖潤輕陰散晚日融明瑞

景遲遙念皇州春色早宮花欲發萬年枝

漳川即事寄韓丕拾遺

漳濱柳色美微黃春日情懷詠載陽自念安邊無上
榮如何補袞與周行身如迴鴈來河朔心似浮雲在
帝鄉吟寄昌黎韓小諫嘉謨應有好封章

紅樹此下睦州

秋來嘉樹色堪攀紅葉沿谿復映山半露寺樓深崦
裏密籠漁舍夕陽間吟看搖落雄金井醉賞扶疎對
玉顏水國却疑春野秀似花幽鳥正關

聖節有懷

南山晴靄御爐煙迴望長安白日邊率衆謝恩呼萬
歲思歸侍宴已三年翠微鐘磬行香寺紅葉樓臺祝
壽筵吟想皇州晚來景雲間宮闕夕陽天

秋夜有懷寄副翰宗白舍人

秋聲蕭瑟北山枌賴有琴樽遣寂寥書幌靜憐斜月
鑿窓燈寒帶落花挑久辭知己來江國少寄音書過
海潮因想玉堂今夜直建章宮漏正迢迢

釣臺懷古

閑讀銘詞掃綠苔溪邊永日自徘徊白雲遺迹今親
到青史高名不可陪千古煙霞為已有一竿風月避

誰來松巔老鶴應相識時咲和風下釣臺

郡齋書事

江天短景莫相催三度逢花折早梅仙棹遠歸思李
郭廬山高會憶宗雷林端忽見孤雲出池上欣聞好
客來昨夜月明霜更苦卷簾黃葉滿青苔

暇日偶題

年來吟髻已星星烏石谿邊葉又零簾下孤燈刪草
奏窓間疊嶂讀茶經瘴鄉怕罷山嵐毒野艇嫌衝水
霧腥天末豈忘歸去意白雲掩映數峯青

桐江即事

滄洲深隱未言歸三載桐江解印遲官職清華非不
達性靈疎拙欲何為閑移夫子青山廟擬立嚴陵釣
渚碑兼喜谿雲每相狎時來窓戶伴吟詩

秋霖

菊花潦倒雨冥冥秋菌參差上壁生臺榭可堪閑眺
望池籠不快野心情猿啼山館寒無夢燈背風簾滴
到明却為農家妨斂穫業祠精舍擬祈晴

和溫仲舒殘春遣懷

丹闕年來奏賀頻金輿侍從望東巡越王江上重迴
首嚴子臺邊再送春水國山川怡道性花時琴酒悅

吟神煙霞肯欲留君住宰相方謀用故人

郡中意遣寄友人

谿雲澹々浪悠々十二州中氣小州花落喜過流水
寺月明懶下看潮樓藥欄梅潤秋重換碁局松陰夜
不收吟寄故人如借問釣魚磯在海西頭

桐江詠

桐谿湛々見游鱗搖落楓林繞水濱秋色數行沙上
鴈殘陽一簇渡頭人藍鮮片竹過深澗雪吼寒潮入
富春俱是謝公吟詠地伊余何以繼芳塵

偶題因懷張王二諫議

理郡三年政未聞孤城僻在浙江濱金門路遠書難
寄水國吟餘日又曛半夜啼猿千里客數峯殘雪一
谿雲詩中贏得為官况不讓樊川杜使君

七里灘

清泚寒流走白沙釣臺蒼翠遠嵯峨隔谿人語穿芳
樹旁岸魚跳落淺莎幾處上源堪涉渡有時野艇併
來過秋聲不盡吟詩意七里潺湲奈爾何

和溫仲舒寄贈

桐江秋水錦鱗肥閑釣煙波是見機野步共遊芳草
徑吟情對啟白雲扉醉來拾筆題紅葉睡覺憑欄望

翠微官滿替人如未到蒹葭玉樹且相依

和溫仲舒感懷

郡齋松蓋翠斜欹客至鳴琴汎酒卮江上正當搖落
景天涯空惜太平時雪殘幽谷春難到蘭茂深林衆
豈知上國三千五百里楊梅熟日是歸期

倚樓

西樓吟倚若為情似浮雲處生翠疊亂山千里
閣紅翻晴景一川明散分野色漁村小斜襯秋光鷹
陣橫迴望帝鄉歸未得蘆花如雪繞江城

秋懷

蒹葭深處古巖州吟向潺湲為送秋雲映疎鐘紅葉
寺浪搖孤角翠微樓土茅路遠催先貢霜稻天晴趁
早收零落黃花正西笑應憐印綬尚淹留

題天竺寺

三月楊花撲馬飛聯鑣來款白雲扉湖邊鐘磬含清
籟樹杪樓臺靄翠微野景留人狂欲住春光啼鳥勸
思歸萋萋芳草重回首十里松門照落暉

茱萸堰泊

茱萸堰下泊行舟初落帆檣暮雨收寒水漾煙輕似
穀微雲籠月澹如秋登封自惜天涯去盛事空思國

史修達曙不眠燈耿：寺鐘遙聽在西樓

咸平集卷第十六終

咸平集卷第十七

古風歌行

讀翰林集

太白謫仙人換酒鷓鴣裘扁舟弄雲海聲動南諸侯
諸侯盡郊迎葆吹羅道周哆目若餓席逸翰飛靈虬
落日青山亭浮雲黃鶴樓浩：歌謠興滔：江漢流
下文魏王屋長揖韓荊州千載有英氣蘭君安可儔

寄宋白拾遺

醉中別大梁西歸渭水陽飄然何所似浮雲辭帝鄉

京兆田錫

歸來驚歲晏，悵然增浩歎。景短倏云暝，夜寒難至旦。
拂酒雪花飛，早梅思南枝。碧落周星紀，青陽換歲時。
雙魚忽得書，云已升華籍。金骨俄輕舉，玉霄仍近密。
小諫官職清，大才文翰逸。獻納有嘉謀，英豪伸壯日。
萬乘是知己，三公駭奇士。嚴吾侍從臣，元白才名子。
揮毫爛彩霞，逸性飛湍水。不日演絲綸，鼇宮承帝旨。
伊余重交結，白日貫精誠。黃金一諾重，鴻毛萬事輕。
微塵彈余冠，清泉滌吾纓。思佩朝天籙，相將昇太清。

塞上曲

秋氣生朔陸，塞草猶離離。大漠西風急，黃榆涼葉飛。
襜褕罷南牧，林胡畏漢威。藁街將入貢，代馬就新羈。
浮雲護玉關，斜日在金微。蕭索邊聲靜，太平烽影稀。
素臣稱有道，守在於四夷。

塞下曲

黃河瀉白浪，到海一萬里。榆關風土惡，夜來霜入水。
河源凍徹底，冰面平如砥。邊將好邀功，夜率麇兵起。
馬渡疾於風，車馳不濡軌。盡破匈奴營，別築漢家壘。
拓土過陰山，窮荒為北鄙。天威震朔漠，戎心畏廉李。
所以龍馬駒，長貢明天子。邊夫苟非才，怨亦從茲始。

結交篇

為簪莫用玉、腕長憂折連環須以金、堅永無缺
陳餘尚個儻張耳重交結事勢俄參高干戈自屠滅
意斷如玦離情忘若絃絕始志何綢繆終讎何勇決
我願然諾心不得輕相悅

投杼詞

孝為百行本至性由天資曾參善事母、氏賢且慈
馨膳以饋進承意唯歡怡高堂既自樂織室閑鳴機
飛語忽來告明識潛深思蓋念事吾孝安得殺人為
亟聞寧不信投杼遂生疑乃知君臣際反以交朋推
道德難結固恩情有合離毀譽苟不入讒間無以施

景慕魏文侯滿篋留誦詞樂羊在中山委遇終不衰

擬古十六首

棠谿出精金百鍊無餘滓鑄得芙蓉劍靈揮若秋水
陸可斷兇犀陰火驚神鬼照物雙影寒中宵靈氣紫
有時風雨至欲作龍蛇起海酒與陵肉寶燭延奇士
酣飲取博觀英圖各相視吐氣成虹蜺將平不平事
大笑荆軻輩卒如兒女子

中山魏公子志意邈難儕朝吸沆瀣精遠與溟鴻遊
風高江浪惡雲黃海樹秋青山對獨酌明月在孤舟
心常懸象魏迹若參公侯縱橫致君術思一伸良籌

遊子中夜心功名忽嗟暮阜貂空上書甘泉方獻賦
白日驚壯齒青雲有英顧收采苟不時珊瑚亦生蠹
漢鼎鴻毛輕諸侯爭弄兵吳魏已先定玄德思功名
據鞍髀肉消感激淚沾纓南陽有奇士三顧精誠傾
龍變得風雨指麾霸王成日月若長在永、懸英聲
碧落登真訣太霄縈簡書安得松喬子仙階一授余
載攬彩虹綏去登紫雲車飄然遠氣俗志逸如龍據
曲逆漢功臣少年嘗窘厄巷館雖席門軒車盡嘉客
事魏言不從說楚謀無獲來歸隆準公罄伸圖霸榮
絳灌競生妬讒非相見迫封金欲拂衣將舉鸞皇駟
豁達英主心信遇終無隔小節不掩名勲庸自輝赫
彌衡鸚鵡詞揮翰無停綴狂甚於接輿才不容當世
身居桴鼓下心在雲天際黃祖憎忽來殞之如虎噬
淺水游巨魚宜失縱橫勢

玉樹拭不滅柳帶柔堪結惠然貞婦心皎若天山雪
羅幕生春風珠簾鑿秋月滄波鷺又歸尺書胡斷絕
萱花不須折安足忘君憂青銅莫頻攬適令驚鬢秋
謝安壯未仕定遠晚封侯功名俱磊落時來豈自由
直言如霜刀卒發傷人意痛貫丹誠中無與金瘡理
緘恨若癩痕終身難棄置伺隙果報時遂陷無情地

雖悔安可追弗及同奔駟君子慎樞機言之豈容易
楚畹種芳蘭發生逢早春萌芽初戴、枝葉俄華、
幽叢秋既老芳氣冬彌薰馨香當還風菴藹來襲人
百草莫相妬從之為爾鄰深林莫蓋藏芬然亦自伸
朝采暮采來虹綬瓊瑤入天風吹雨來黃土為柔埴
一經女媧手蹶然含性識悲哉袁子孫不能述祖德
愚朴變澆漓化之尤費力

余聞靈鳳膠可以續斷絃又聞返魂香招魂以其煙
因念三季時人為世態遷、之不自覺純信成險艱
中含妬與忌外即怡溫顏覆人如覆舟先示其甘言

中夜蹈虎尾霧海生波瀾投彼機會時傾亡果忽然
願得靈鳳膠續之於仁賢願得返魂香返其淳化源
免令古樂府高歌行路難

廣陵秋節半旗鼓逐靈濤鱗沈雲海遠風激雪山高
壯哉水濱人游為水中豪弄濤若平地輕命如鴻毛
古稱公無渡終渡堪悲號憑深良足畏知險可先逃
甘言毒人藥巧笑剗腸刀狎玩終罹禍險甚於滔、
昭然聖賢誠勉旃於爾曹

赫、英豪士韓侯令子孫千金募死士博浪報君冤
國耻尚未雪驥足俄驚奔待搏如猛虎未耀同朝暎

霸略師黃石大計當鴻門談笑定安危功業遂隆尊
鸞皇不啄粟騏驎不駕轅將從赤松遊高謝漢皇恩
一旦君臣中奪宗物論喧片詞為密勿四皓如飛翻
進退存亡間以智為身藩

嶧陽生孤桐擢幹百尺高風雨萌枝葉鸞皇棲羽毛
天質自含響衆木非其曹斲為綠綺琴古天貞金刀
所製有法象不敢差釐毫重詳舊譜錄試撫觀均調
其聲清以廉聞者不貪饗其音安以樂令人消鬱陶
彈宮聽於君：德如軒堯彈商聽於臣：道如夔臯
不覺起蹈舞形逸同翔翺願以七寶粧薦之於天朝

玉軫朱絲絃輝華近赭袍一彈南薰曲解愠成歌謠

咸平集卷第十七終

咸平集卷第十八

古風歌行

千金答漂母行

止水明沈：鑿貌未鑿心丹鳳舞蹠：知聲未知音
楚王欲圖霸不識韓淮陰淮陰漂母家獨得千黃金

雉媒

東風麥壑青白日桑陰清一雉欲媒衆：雉無猜情
五步一飲啄十步一飛鳴閣中觸駭機鏘發如流星
洞徹羽毛質低摧錦繡翎卻宛若召客子常非好兵

京

兆

田

錫

讒言既交搆禍難即隨生齊王聽遊說韓信急功名
三軍雖罷成一命遽遭烹古來不疑地悔吝堪相驚

鬻冰詠

赫日生炎暉鬻冰方及時邀利有得色冰消俄若遺
兩失俱無猜雖悔安可追仁惠當務遠勿使失其宜

辨惑篇

春樹桃與李美果終得嘗春樹枳與棘芒刺還相傷
君子所樹黨在擇賢與良其黨苟非人為禍亦自殃
蓄者本鉞刀用欲如干將豢者本款段騁欲伴驪驪
辨之胡不早堅冰自履霜

江南曲 三首

金蟬飾綠雲細鬢藥黃新南浦解清珮西谿采白蘋
密竹映深花湖山日欲曛春腸知己斷脉脉雨難親
吳豔若芙蓉乘舟弄湖水照影不知休雲鬢墮簪珥
含笑忽迴頭見人羞欲死歸去入花谿棹濺鴛鴦起
金陵王氣消六朝隳霸業白雲千古恨空江照樓堞
虎丘羅蔓草姑蘇委楓葉懷賢思伍負靈濤浩難涉

贈宗玄進士

憶昔長安道與君初相識密雲滿天來不見南山色
美酒斗十千一醉情歡然胸中雲夢澤眼底高陽客

狂呼月華人撫弄雲和瑟揮鞭過渭川館第相留連
朝簾杏花露暮樓楊柳煙流輝今六稔交情益相審
忽、披君文如截機頭錦余本生天涯散金嘗破家
東方上書志高欲凌丹霞安能常戚促雀啄秋田粟
海路與天遙鸞皇好相逐

華清宮詞

繡嶺蔥蘢浮瑞氣雲樓靄闕明珠翠禁城綠嶺連九
天一片笙歌如鼎沸我恐紫麟丹鳳洲移於近甸資
宸遊東將太華為城雉北以渭川為御瀛又疑西王
開月圃白雲仙都紫雲府碧瑤新宮初搆成借與明

皇自為主開元之末天寶初天下太平方晏如萬幾
多暇頻遊宴青門道上馳鑿輿長樂坡頭霸陵岸新
豐市井驪山畔百里煙波錦繡明寶馬香車若珠貫
宮中湯泉瑟琴文潺湲長以蘭麝薰白玉蓮花戲飛
浪珠堂繡殿溫如春貴妃承恩貌傾國三千宮女朝
霞飾謝家有女名阿蠻歌舞纖柔柳無力頻喚入宮
恩寵厚金粟臂鐶頰賜得秋來嶺上霜月明光照組
練金吾兵槐煙柳露咽宮漏玉笛一轟巖壑驚春來
嶺下春波綠夜聽琵琶將理曲幽咽輕擺慢撚聲鸞
皇引雛啄珠玉嘗記乘輿避暑時御衣輕紅渠絲

翠輦將遊石甕寺探得姚崇乘小駟往來綠樹影中
行清涼適稱逍遙意荔支顏色燕脂紅生於南海煙
瘴中南海地遠一萬里使臣日貢華清宮六宮每從
鑾輿到遺珠落翠長安道百司既奉玉乘歸湯宮橫
鑲黃金扉門戈陛戟皆繡衣朝鐘暮鼓含清輝參差
天上朝元閣往來紫煙飛皓鶴至今碧落星宿絲猶
似當時掛珠箔

曉鶯

春宵已闌更點急煙柳濛濛露花溼畫堂深邃樓閣
寒碧紗牕中月華入早鶯百轉催朝陽黃言綺語何
鏗鏘雲飛雨散夢初破聞時滿枕梨花香聲宛轉十
三絃高指撥軟宮喉微舌多改變圓於珠細於線韻
玲瓏湘妃調瑟煙靄中珠纓寶玦遞相觸東風細軋
修篁蕞或纖柔子同彩縷繡得輕煙纖微雨或輕麗
兮如彩毫畫成曉景描春朝間闌歷落意不盡花中
似索鸞皇饒逡巡曙色浮林際菊花毛衣金作袂一
片蘇張俊辯心長與春皇巧遊說

晚雲曲

高唐晚峯欲生雨空山啼猿風嘯席春雲數片留南
浦自與鴛鴦共飛舞

御溝

春半桃花水初下一溝潤綠光如研夾道宮城數里
中靜稱潺湲明月夜千門萬戶建章宮金鎖橫門溝
閣通三月花飛若零雨水何處咽香紅

惜春詞

春色初從江國來湖邊楊柳嶺頭梅梅花飛雪柳垂
帶遞去相將時節催春力欺寒過江北深谷黃鸝生
羽翼曉月輕煙禁苑啼南園桃李已成蹊就中何處
芳菲好春波飛絮魏王堤我憶去年暮春月京洛新
粧丹鳳關天津水綠煙樹深萬井笙歌牡丹發天子

鑿輿駕幸時嵩峯瑞靄籠郊圻扈從千官與萬騎翊
衛羽林兼攸飛六宮隨駕羅珠翠諸王從行陪七貴
香氣成霞金犢車鳴珂中節虹龍駟朱橋細柳端門
前畫舫橫塘會節園朝花貴俠珊瑚席夜燭嬌娥玳
瑁筵西樓殘月深宮漏明河半沈垂北斗縱飲貪歡
意未闌紫陌喧人已鯨玉鈎掛簾開雉尾曉日赭
袍朝至尊方今寓止臨清渭杜門無與天涯異殊忘
詩酒狂蕩心但悅琴書高古意可惜春芳漸欲歸五
陵煙草方離迴憶當時洛陽道歌魂空與殘花飛

風箏歌

白蘋洲暖春風生畫樓檻上銀箏鳴鏗鏘節奏急復
悞空中一部天樂聲三十六宮深窈窕綉楣藻井光
相照十三絃上千般聲朝靄微吟暮煙嘯夜來親向
月中聞絲音錯節何紛紛碎如鸞鈴與珂珮巫山隊
仗迎湘君晚來金屋愁微雨風細箏聲不全舉依倚
嬪妾怕人知啾、切、私相語洪纖斷續何所拘鳳
凰著對飛鸞孤梧桐枝邊泊未穩琅玕島上鳴相呼
有時方奏俄中絕宮高斗擗如刀截杏花露重鴛鴦
寒空見如霜滿連月有時半日全無風一一暮天樓
閣紅唯聞鳥雀啄絃上暖珠寒玉何玲瓏清音朝、

與暮、誤聲不管周郎顧祇嫌雅鄭交奏時寶鐸丁
冬閣相妬

聖主平戎歌

玉關秋早霜飛速代馬新羈逞南牧胡人背信闕漢
邊刻箭為書召戎族漁陽烽火照甘泉疆吏飛牋至
御前睿謀英武何神速鑿輿自欲平三邊百萬羽林
隨駕出殺氣皇威先破敵賊臣喪膽遽奔逃漳水波
清因駐蹕宮錦戰袍花鬪新繡鞵珠絡金麒麟天顏
威武不可犯垂鞭按轡視羣臣金吾隊仗如鱗萃環
衛旌旗徑千里漢皇曾上單于臺壯心磊落伴風雷

比量英武不足數聖文神武俱全才勢可驅山寨滄
海紫氣逶迤龍鳳蓋金花簇斂若星羅寶鈿乘輿翼
雲旆塗山禹帝戮防風涿鹿蚩尤死戰鋒鏑俱染
玄黃血爭如不陣而成功示暇皇歡有餘意御筆題
詩饒綺思翰林承旨先受宣西掖詞臣及近侍詔命
交酬繼和來君臣道合何如是和氣感天、地寧日
融瑞景籠八紘風生旗旆翻龍鳳霜嚴鼓角喧雷霆
海神來受軍門職太上禱兵尊帝德牢籠萬國頓天
網天網恢恢、思信廣胡兇潰散何比之大明升空逃
魍魎漳川地濶霜草平合圍會獵布天兵六師雄勇

一百萬六班侍衛交縱橫鐵衣間耀金鑠甲鼓旗雜
錯槍刀鳴霓旌似係單于頸獵騎如破匈奴營鵬鷲
生獍搨狐兔花驄躍龍驕在御弓圓明月金鏃飛妖
狐中鏃駭天機兵師會合如波注山呼萬歲震邊陲
東海為樽盛美酒斟酌酒漿操北斗鸞刀割肉若丘
陵軍聲恟如師子吼三公拜舞百辟隨鳴珂飛鞚星
離、雲舒二十有四纛傳宣罷獵整魚麗勝氣威聲
壑千古堪笑驪山稱諱武直館微臣樂扈隨太平盛
事今親覩會看金泥封禪儀拜章別獻新歌詩歌詩
何以容易進為受文明天子知

咸平集卷第十八終

咸平集卷第十九

古風歌行

西樓殘月歌

西樓置酒賓客歡
西樓酒闌夜亦殘
汪々月華如玉
盤酒力不禁明月寒

倚柱吟

暮春慘々黃昏雨零落
櫻桃斜掩戶未張
燈火簾幕深樓閣
巢寒聞鶯語替時常
說長安好而今獸走長
安道蘇秦辯說長卿才
自笑功名胡不早
人情々倚

京

兆

田

錫

柱時情脉：無人知憐春惜遠情不盡斜雨兼花閣
溼衣

李謨吹笛歌

洛陽少年稱李謨衆推橫笛多功夫當時教坊第一
部算得比衣皆不如天津楊柳籠橋綠隴月澹煙何
處宿不怕金吾禁夜嚴偷得新翻禁中曲：中次第
能記持盡向橋欄聞譜之性聰心慧歸來習冬明把
向月中吹五音嘈噴相攬出呼宮吸徵尤奇崛誰羨
曹綱善琵琶未說陽陶能感葉纏去聲不斷如連環
重聲忽轉如迴山清新不比落梅曲飄飄乍象霓裳

翻碎節蘇音交若驕南箕鼓風簫籟窄一斛明珠一
索穿撒落金盤催曲拍錚挺大抵聲雄豪歷歷出羣
宮調高豐隆驚得蛟螭起雨趁雲隨初嘯嗥每到換
頭多頓挫一聲忽迸疑轟破玲瓏祇許牙板催清脆
不容他樂和宮城響應聲更渾夜靜月明諸處聞何
人懶憶馬南郡知予已勝柏將軍明皇上樓初聽得
聽罷沈吟都不測宣令徧詢坊巷中旋使王人補入
宮李謨悉心以實對皇慈由是寬其罪後來落魄如
散仙扁舟汎月江湖天繡囊探出金線管揚眉舐脣
徒自憐驚神動鬼吹一曲指法尤高氣海圓波浪無

風帖然靜千里水面鋪輕煙水族精靈潛鼓舞老龍
變見來相顧因將鐵笛相對吹李謨未識無驚怖乃
知藝但出眾奇不獨人知鬼亦知

峨嵋山歌

高：百里一屈盤八十四盤青雲端星辰淋漓瀉瀑
布嵐樓雪寺五月寒殘陽忽黑雨雹飛霹靂火著枯
杉枝登臨慨然小天下迴時一顧東海涯細看朝陽
初出時火精轉球百尺圍瞳：矐：浮在水峨眉朝
雲已如綺

采蓮曲

南谿秋水深淪連南村美人來采蓮：花灼：葉田
田芳桂輕橈蘭作船采：紅蓮幾成束蓮枝交袞相
撐綠蓮葉滿衣金粒撲蓮子為盃葉為足唱歌相並
畫舸舳頰得采賢如采蓮樊姬晉時進燕趙九人精
彩朝霞鮮中有二人賢於已柔明婉順君王前堪嗤
羊侃錦繡妾豔歌留怨朱絲絃

紫雲曲

沈：鸞殿垂珠箔祥煙瑞氣含樓閣三十六宮明月
中夜靜無風花自落寶屏珠帳一夢時靈仙初降趨
丹墀煙衣霞綬赤瑛珮鈞天樂部前參差合奏鏗鏘

向金屋云是仙鄉紫雲曲朱絃遠台舜湘靈鳳管應
呼秦弄玉天漢星流夜既闌露零珠樹彤蓬寒芙蓉
枕上夢初覺猶聞蓬際聲珊珊上曉五音十二律仙
曲記持心歷金線龍頭紅玉笛新聲吹得逸
應是夔襄樂府魂翻得雅音聞至尊俾與霓裳羽衣
曲遞相奏向梨花園

春洲謠

衣鮫綃子美人采白蘋子水濱裊翠翹子為飾步羅
襪子生塵絲子遠道萋萋子芳草遠山眉子澹掃

夜宴詞

天如瑟：盤恢廓億萬里古稱天傾西北半在地夜
轉銀星磨海水逡巡轉上星彩高北斗未定光飄
楚王夜入章華宴紅綃燭籠滿宮殿美人歌舞雲雨
迷不知寒漏催銀箭

送春

花霏：柳依：留春不住送春歸春歸何處堪圖畫
春盡江南日暮時黃鸝啼多芳草遠青梅子重楊花
飛人生三萬六千日與君復有明年期

暮雪

北風慘：生微雪微雪片：皆橫飛梅花柳絮隨人

歸黃雲千里凝無輝
唯念蓬蒿何處客
緼袍不暖飢且羸

短歌行

曉月蒼々向煙滅
朝陽焰々明丹闕
杜鵑催促躑躅
開鷓鴣已鳴芳草歌
芳春若不為君留
古人勸君秉燭遊
願與松喬弄雲月
紫泥仙海鸞皇洲

贈宋小著

紫皇御天方視事
將擇靈官補仙吏
金波古殿寒星
簾虹節蜺旌觀就試
白晳仙人皆雪衣
冠森列蟾蜍墀
寶盤初賜紅霞饌
斗魁挹酒空淋漓
水精地上

宮花折枝柯
渥丹花豔白
高於建木老
於椿其名仙
桂長含春
又有驪龍長萬尺
波濤為屋淵
為室送鱗滿
頷如鋒鏑
觸之則怒
無人當
苟有明珠
夜月光宛轉
炫耀生靈芒
能探驪珠
折得桂方許
驂鸞駕鳳凰
方令碧落為星郎
所以房星之精
姓東方
字曼倩
受天命
佐炎漢
昴星之靈
其姓蕭
其名何貴
為相封於
鄴
復有中台稱
茂先
讀書三十車
乃為晉朝輔相之
大臣
又有長庚字太白
下筆一萬字
是為唐朝之後
人
予知下則誕而為俊傑
上則列之為星辰
君曾再對珠旒試
君才堪作仙官吏
驪珠粲々蟾枝香
紫煙

華綬黃霓裳風裝雲馭慣升陟太霄澣海嘗翱翔願
以橫天之鵬為逸駕垂天之虹作飛梁馳雷走電以
驚榮叱風揮雨前啓行結精珮雲錦章隨君一至
於仙鄉

琢玉歌

藍谿中荆山峯結靈燄粹生羣玉飛英蕩彩如長虹
野人初向深崖得躡著雲根風雨黑滿把晶熒雪霜
色特達天姿幾人識治玉之工初琢成熒輝彩鏘
鏘聲方瑚圓璉薦宗廟蒼珮玄圭頌帝廷堯兵曾用
丹浦戰漢斗已碎鴻門營我願琢為北斗柄指麾五
星齊七政庶使陰陽造化機四時六氣隨吾令

咸平集卷第十九終

咸平集卷第二十

古風歌行

酬陳處士詠雪歌

潁川處士情高古，閑卧煙霞向南浦。
忘却簞瓢陋巷貧，耽嗜琴書醉歌舞。
昨日西風生凜冽，江天慘慘陰雲結。
雲色蒼黃千里同，晚來旋、飛輕雪。
寒條黏綴生梨花，梅飄絮蕩相交加。
危樓粉飾軒窗冷，橫橋玉碾攔干斜。
高人嘯傲吟情動，醉拾江毫呵曉凍。
狂才意度若元白，滿牋靈怪如麟鳳。
因遣橘僮封寄余，門

京

兆

田

錫

者稱有陳君書展開詠雪六十字水晶盤中明月珠
字：纍、可編貫句、絲、意不斷恨無瑛瓊奉報
酬勝得美人錦繡段君不聞吾皇在上致太平地不
藏珍天降靈時間刺史奏河清又報諸侯賀景星君
心幸有經綸術休向江湖隱聲迹雲眠雪躡意雖高
爭似金鑿侍赭袍不必虹綸十二搖明月為鈎鈞巨
鼇

桐谿行

東郊驛樹連理枝西廟叢篁十大圍堪將輕素命人
畫齋為方物歸京師公署石楠圓似蓋畫樓北面當

廳檜桐谿怪石勝太湖賤如泥土無人愛天生爾材
地且卑空山老朽人不知人不知睦州右史作歌詞

苦寒行

昨日北風高霏：滿天雪千里六出花六日飛不歇
深山深一大樹木凍欲折平地盈數尺市肆不成列
覆物生輝光照人清皎潔紫塞羣玉峯滄溟白銀闕
篁竹為琅玕松風篩玉屑官吏來參賀物情亦感悅
瘴癘已消除豐穰及時節長吏因疾恙請假來一月
病眼為寒昏風頭因冷發湯藥獸服餌酒肉悉罷輟
夾幕暝重簾爐茵與衾褐祿粟不憂飢帑俸無乏絕

江海主恩深素餐心激切兒童溫且飽當風沂凜冽
朝索暖寒酒暮須湯餅設不知有飢寒燈火夜暖熱
越人輕活計春稅供膏血及至風雪時日給多空竭
樵蘇與網捕負薪冰路滑口噤無言語股慄衣踈葛
藜藿不充飢凍餓多不活慙惶襦袴恩徬徨空殞越
因作苦寒行聊與兒童說

酬桐廬知縣刁衍歌

詔守江西新定郡二年撫俗誰相問白浪青山繞郡
城卧理煙霞稱嘉遯帝鄉迨：天一涯子牟戀闕人
不知慷慨情懷何企慕宗璟政事杜牧詩六縣萬家

人輯睦魚鹽利人茶貨足公家事簡案牘稀芳草疎
籬暝空嶽楊柳湖邊觀釣魚芙蓉池上靜看書優游
天壽浩然性貴如三入承明廬靖節先生來訪我欣
然延入皇堂坐歛襟欲坐先發言捧出尺書雙袖間
七軸好詞同跪授儒雅禮豐情意厚主人識鑒非延
陵金石何煩禁固陋且寘瓊瑤未暇看高談如綺有
餘歡黃鸝百轉天欲暮客去斜陽已半軒焚香道院
無人到風花拂几收真誥却取文編一一看南朝體
制多淵奧兩軸七字五字詩珠貫纍：樂府詞古於
禪月畫羅漢麗於范蠡進西施議論精微窮理窟賦

詠升高能體物一篇序送周子通飄思若翻冥鴻
自有滄浪高尚志因人命筆生詞鋒嘗聞水國清輝
殿曾事吳王侍文宴田園未遂歸去來嚴子臺邊知
一縣古人窮則善一身達則惠澤如陽春一邑生靈
如受賜何須兼濟方為貴金門吏隱能安身何必棄
官為逸人桐廬山水幸堪賞歌詩酬唱且相親

贈別琅邪評事兼寄兩制舊友

醴泉少府王評事秀氣神清好奇異讀書擊劍善彈
琴仲容信是青雲器我從蜀國來咸秦長安久客多
風塵因此移居清渭北與君在彼初相識相識經今

二十年支離契濶長相憶去年罷直西掖垣君亦醴
泉方解官關中路遙宛正道不遠千里來相看我忝
淮陽知郡事郡齋喜聞嘉客至槐花黃時初到來菊
花開時言欲廻主人芒留不住為君采菊登高臺

高臺臨古道北走

北音奏漢書曰

還京秋已老白日遠

長安西歸出關天已寒神仙作尉道雖在骨肉為累
心且寬與君俱年五十一老去時光轉堪惜况今秋
暮冬欲殘七十唯餘十八年未知十八年之間悲歡
得喪與險艱到得七十即為幸此外浮生何足言明
日正逢重九日未忍與君張祖席樽前新菊含露滋

茱萸丹實星離：茱萸擷芳菊延壽：酒滿：莫固
辭淮陽郡吏若早替帝鄉即有相見期兩制交朋若
相問為我勤：多謝之

酬宋湜賈黃中二學士菊花之什兼呈諸廳
學士

靖節先生曾賞菊東籬有霜花正開翰林主人賞
菊北門吟詠有餘才一唱再和才力健兼金酬以瑛
瓊瑰善歌使人繼其志遠寄淮陽知郡吏淮陽郡中
方燕居跪讀重緘尺素書中有五章：八句復有二
章同一處五章千葉菊花詞一章副翰學士詩一章

酬和季左司人前再讀與三復人從日邊初到時歛
手先問諸學士駭目乍闕文字奇兩制別來今已久
朝寄宛丘權太守眼底唯嫌簿領絲耳冷不聞騷雅
言重陽錫宴不得與湛露空思奉至尊忽捧新詩若
為意聞詩勝得千金賜受知益感恩顧深吟賞請言
清麗致清如玉樹生天風麗若露花開錦宮水精盤
中置明月絳火珊瑚枝葉紅珍則難酬青玉案文律
詞鋒併化工因事喻懷堪自惜神化丹青與刀尺丹
青暈淡刀尺裁先春雪中生早梅春饒桃李及時發
牡丹占斷芳菲來芍藥羞人嬌且妬玫瑰倚欄笑欲

語帝里春從何處歸巫山雨散朝雲飛遺紅墮翠歸
天下不失年、三月期天生百卉各有時彼何太盛
此何遲蒹葭蒼、凝白露西風蕭、向秋暮月華蘿
落有霜華暎籬葉薄生黃花、寒葉冷無蜂蝶固無
寶馬與香車每因九月當重九暫時采擷浮樽酒金
鈿浮動萬歲盃為君慶祝南山壽菊不能言為作歌
金壺酒傾生綠波重臺千葉若堪賞栽培好近金鑿
坡

進瑞雪歌

聖德昭彰動天地歲、豐穰為上瑞明年有閏節氣

遲冬深有雪方及時三農但喜及時雪天心帝力豈
得知臣忝頌條君近輔勸課農桑理輿賦宛丘之下
為封部宣布皇恩愧襦袴王澤流而有頌聲因而拜
手歌行歌云歲云暮兮日云暮白雲初向斜陽度
斜陽韜掩雲舒布慘、陰風生北戶風來帶得霏、
花、輕片、如瓊葩凍黏寒綴紛交加陌上逡巡鋪
玉沙琪樹瑤臺相間出落梅墮絮初堆積暎箔橫沾
翡翠紋拂窓斜度瑠璃隙飄、千里度龍山表丈蕭
關與玉關海上銀臺對金闕水精簾櫳鑿明月萬年
枝上夜輝光上林先似梨花發黎元有望既滿望手

足舞之而蹈之因思去歲在京師國家將議改元時
時雪未呈盈尺瑞百神奔走應禱祈海風吹起澄江
練織女金刀碎裁翦、作天花撒翠微茫茫六合生
光輝明月宮中玉白杵霜兔擣藥雲母飛風篩乍似
琅玕寶翔鸞飛下啄瑤墀金門廊廡龍尾道賀雪千
官趁朝早吾皇為喜表豐年六出飛花不令掃樞相
侍臣初奉宣、赴中書賜御筵光祿移厨供玉饌上
樽賜酒中官勸宣令不醉不得歸席上仍令各賦詩
詩成封進同奏謝御製歌行競傳寫拜舞歡呼感聖
明千年遭遇作門生微臣忝幸在兩制得以歌詩樂
太平而今出典淮陽郡組綬輝華佩金印才微任重
副憂勤履薄臨深守廉慎聖人德澤如陽春陽春及
物無不均微臣懷抱如葵藿葵藿向陽堪喻身今因
瑞雪獻歌詠西垣再願演絲綸

留別向中正學士

玉人欲歸留不住南山出雲作朝雨、中却祝使車
輪主人重得延嘉賓嘉賓有詩留別我句、高奇字
字新、若新花凝宿露高似秋天曉星布奇於雲起
成峯巒鮫人淚珠盈玉盤浪大月照如金線金線交
加珠可貫玦離環合間珠圓風生玉步聲珊珊、珍奇

若此為重賜齋沐焚香然後看三復吟看既忘倦命
筆和來才思緩桃李難酬瓊玖珍野老美芹聊贄獻
與君俱是錦江人今幸星輶來過陳鄉情交分忍輕
別少留可待早秋辰秋光月華伴行色步、隨君歸
紫宸

代書呈蘇易簡學士希寵和見寄以題之
于郡齋也

金殿嘗聞金口言詞臣官職是神仙三年偶忝西垣
職致身似得文章力感激思酬聖主恩危言所以難
緘默出入金門與玉堂屢因狂直拜封章禦戎救旱

無上榮言詞不足動君王改官出職歸郎署粉闥正
秩慙叨據仍命淮陽頒詔條元正不得與趨朝中書
舍人捧寶榮加美徽稱尊帝堯大明殿裏上壽酒翰
林學士先羣寮獨有淮陽知郡吏為典郡符蒙借紫
閣門引謝正衙辭撰日忽、辦行李都門柳色早春
天籟臺寺中排祖筵離盃滿勸不惜醉、別上馬魂
黯然客心易感須如是迴思故國三千里子雲相如
俱蜀人我今五十君青春、秋鼎盛正清貴我年漸
似下坡輪下車猶未踰暮月官舍初經禁煙節殘陽
乍聽吹角聲臺榭梨花簇香雪獨酌不歡何所為孤

懷無緒懷已知十八學士相念否應笑骨冗格且卑
地仙敢言謫仙宦海槎却有上天時陳州去京地不
遠莫惜音書來慰勉若得工夫可作歌、中言語不
厭多畢三清旨頗似我向二宗四及李大請與副閣
王舍人呈似此歌希唱和事相士安向相敏中宗給
混李相沆副閻王禹偁

送韓援赴闕

逢君南浦落花時送君南浦草離離、離魂自與白雲
斷兩槩去時乘夕暉替時漢家稱八使登車便有澄
清意吾皇宵旰念黎民歌詠皇華遣使臣昭文館殿
選學士巡撫使名、號新二人分得淮南道人自日

邊來既早敷宣朝旨達君恩淮陽父老私有言、逢
太平歌且舞利病達聰皆悉聞我替南宮與西掖後
來謫官為遷客慶澤量移往單州長淮塗次泊孤舟
昌黎工部未相識一見怡然如舊遊詩酒論文各相
許何如李白杜工部海上往來將月餘煙波寄詩兼
寄書書裏情深若江漢詩中意重若瓊琚今說歸京
忍輕別、夜波光蕩明月若到朝廷話鄙人為說子
牟心戀闕、下交游憶者誰翰林蘇畢韓損之韓玉
字損
之憑君與達相思意夢向金鑿款北扉

思歸引

河朔受詔書移官向湖外初問禁法茶次問丁身稅
稅口徵四百茶利高十倍老死及充軍縣籍方消退
采摘不入官公家定科罪何以升平時遺民猶未泰
何以在位者興利不除害我願罷秩歸天顏請轉對
一言如沃心思波必霽霽

歸去來

歸去來詩不云乎王事一埤遺我予終日孜孜心力
疲勞齒髮衰翁今已年五十二前去七十幾多時翁
性雖拙頗好學翁才雖短頗好詩文學歌詩之外非
樂為金門玉堂若無分隨分官職胡不歸苟能遣得
婚嫁累又何苦憂伏臘資翁不聞仲尼曰飯疏食飲
水曲肱而枕之樂亦在其中浮雲富貴非翁宜表聖
表聖翁當念茲而在茲勿使無其實而有其詞翁若
捨靈龜而觀朶頤無乃見翁癡翁癡

咸平集卷第二十終

咸平集卷第二十一

頌一

河清頌并序

京

兆

田

錫

臣嘗覽圖諫曰河千年一清聖人之大瑞也考鄴元
之水經稽夏書於禹貢洪河千里一曲上應雲漢發
崑山而疏砥柱貫中域而注滄溟駭浪朝宗通濁淫
而一色靈長薦社帶清渭之澄瀾所以彰睿聖之乘
時表升平之應運自陛下臨御十有三載以堯舜之
道行風教以文武之德化要荒禮讓興而刑罰清兵

革偃而邊防靜五星不差於軌道百穀屢報於豐年
信及豚魚應大易中孚之象仁敷草木協國風行葦
之詩諒壽域之可躋宜華封之來祝是以功成則韶
濩之音必作理定則俎豆之事畢修方潔祀於先農
式告虔於后稷青壇翠幄列於國門之東葱摵縹衡
寘彼公田之次五輅南轅之在馭三推御耜以將親
粵若澶淵之濱雷澤之游獻歲發春之五日東風解
涸於層冰初漣漪以成文旋浩渺以交漾澄清見底
榮光霰人沈潛可鑒於游鱗浮動遠涵於瑞日守土
之吏乘輶之臣會父老以載觀馳牋章而上達聖恩

宣示瑤圖讓德於圓靈臣下歡呼金門拜表以稱賀
百執事蹈舞以就列億兆衆歌詠於逢時豈不以玄
德升聞而象緯呈休玉澤旁流而山川薦瑞矧太史
鉤盤之經瀆桃花竹箭之迅湍人壽之言古賢惜其
難俟靈源之異聖出慶於榮觀與夫芝房寶鼎之歌
瑤鑿醴泉之詠豈同日而言哉臣忝竊代言慙非稱
職歌時樂聖合陳葑菲之詞載筆侍耕得紀河源之
瑞頌曰

聖主千年運洪河九曲清地靈儲慶異天意屬升平
冰泮鱗魴躍波搖瑞氣生遠通靈沼液高徹絳河明

漢國慙為帶滄浪愧濯纓鑿人曾爽澈潤物達白萌
明月兼淮暎榮光向海傾王正春尚淺帝甸雪初晴
萬國觀農祀千官侍御耕奏章馳象魏拜表會公卿
薦祉臻川瀆言祥自水衡出圖同表異習坎象持盈
珠濺龍門溜雷奔砥柱聲瑩宜清渭合湛可玉壺盛
更顯皇猷洽彌章理化行百王堪讓美三代豈稱英
深廣源流遠涵濡品彙貞土膏承積潤水澤効殊禎
羣后思東觀吾皇待告成微臣獻詩頌葵藿比忠誠

藉田頌并序

國家嗣位之十三載王道清夷邊防靜謐時和歲稔

遠至邇安藉田可復於躬耕后稷宜修於祀事足以
勸三農之本備九年之儲貴戚知稼穡之艱難宗廟
享粢盛之豐潔於是坐朝堂以端拱召公卿以就列
謂三事大夫曰邦國之本惟民也黎元之命惟食也
使男有餘粟女有餘布老者得衰羸之養少者知耕
稼之勤衣食既豐禮節自曉然後風俗易化刑罰不
用無乃為王者之所務乎羣心允諧百辟聽命由是
金門曉闢御札初下布告自邇以及遠號令雲行以
雨施翌日命宰臣昉曰藉田大禮爾為之使俾禮典
詳而樂章備百職舉而千畝修又命翰林學士宋白

賈黃中曰爾等司公草於禮儀典導從於鹵簿然後
百執事駿奔走各奉其職無曠厥官洎獻歲發春乙
亥御辰農祥晨正農事將起六宮獻種耜之種千官
從耕藉之儀金輿玉乘和鸞萬騎以翼衛東郊南畝
華夷億兆以駢闐觀我冕而朱紘躬秉黛耜游場添
屨御于三推公卿大夫自五至九庶人終畝禮容皇
皇若煙非煙和氣翳鬱拂青壇而映翠幕藹春野而
麗朝陽既而奉常變六樂之懸太僕進六駢之轡金
輅鞶纓之次列黃麾羽林以馳驅迴御鳳樓揭雞竿
而赦天下所謂聖人作而萬物覩王澤流而頌聲起

臣職居禁掖才愧司言顧演誥以非工寧裨潤色因
侍耕而獻頌用慶升平美盛德之形容紀皇猷之萬
一也頌曰

聖主文明 時方太平 四鄙無事 萬邦咸寧

貫索星稀 所以措刑 泰階文符 可以偃兵

物俗丕變 禮讓興行 條風塊雨 年惟順成

屋粟里布 歲有常征 濟之衆 蚩之氓

若登華胥 若造大庭 藉田之禮 歷代久廢

乃下御札 宣示中外 乃命有司 詢謀經制

祖述三皇 憲章五帝 蠲潔之享 割牲奠幣

清明之誠 三酒五齊 后稷豆籩 先農壇陞
鐘磬羅列 冠劍繇會 千官侍耕 諸侯助祭
居靡都鄙 人無華裔 疊迹駕肩 倚裳連袂
觀我耕藉 勸民樹藝 布德覃恩 行慶施惠
惠澤霽流 天光下濟 禮儀彬彬 文物皆新
聖德動天 至誠感神 嘉雪應候 和氣先春
梅飄灑道 絮落清塵 馳道若砥 列幄如鱗
鹵簿雲羅 車旆星陳 輝煌煌 闐闐鞞
三推禮畢 五輅迴輪 普天之下 率土之濱
知我勸農 悅我為民 彫鑿返朴 風化還淳

廟祧之享 烝禴之辰 蕭茅鬯酒 藉田而有
黍稷粢盛 藉田而取 潔其簋簋 豐其俎豆
致享藝祖 展禮先后 祝史正辭 神降之祐
繇祉來宜 戩穀允受 時歲豐穰 生物暢茂
帝王之孝 永言在茲 黎元之本 莫重於斯
惟倉惟箱 如京如坻 有醴有酪 為盛為粢
神既歆之 民實賴之 臣忝詞臣 官為右史
因獻斯頌 得以言事 鄉飲之禮 行之甚易
庠序之學 復之可以 古典鬱堙 由人振起
千載一時 允謂昌期 時不再來 臣實惜之

登封降禪 願陛下行之

太平頌并序

聖朝垂統十有八載皇帝以仁賢之德由晉邨而即大位嗣王業而承廟祧天地氣和日月貞明協千齡之會昌應萬民之推戴皆舜有大功二十而堯以鴻圖付之漢文以五讓天下而公卿大臣立之推魯史之遺文得漢嘉之故事儔功比德吾皇兼之稽義文出震之格言徵戴禮向明之大位黃麾列仗洪寶傳國百辟山呼而稱賀萬方波朝而會同一之日覃連山作解之恩布率土青災之令與民更始趣物於新

號令一發罪繫咸釋雷霆振幽滯江海蕩痕瑕自華及夷逢時樂聖聲悅成歌頌形動為鼓舞易不云乎天地草而四時成聖人作而萬物覩也書不云乎民非后不乂后非民不立律曆有五勝之榮圖讖應一人之運夏后得內禪之禮周家稱太弟之賢公劉積仁然後武王成王享天位高皇撥亂然後文帝景帝致太平晉以金德王而孝武稱賢唐以武德取而太宗好理在淵或躍所以見王者之興大明方融於是喻聖人之道自天猷唐德昭宗失國四海九州瓜剖豆分朱氏稱梁石家號晉居於岐者有僭王之車服

據於鄴者擁圖霸之甲兵金陵繼閩廬之雄南海有
尉佗之盛湘潭咫尺與中國稱鄰庸蜀險固以一方
自大天子之守不過三千里諸侯之兵何啻八百乘
中原鹿走高材得犄角之名海水鯨飛黔首困懷襄
之害或暴秦之祚纔二世而亡有夏諸子或再稔而
謝夫差劍盾脩武備以方勤升孫豆邊飾禮容而未
暇不有天命國何以興未遇真主亂無以弭玄穹所
以矐命皇宗於焉勃興獄訟謳歌捨丹朱而歸舜禮
樂征伐黜諸侯而尊王強本弱枝兼亡取亂自茲始
也初則滅李筠於澤潞次則覆重進於維揚南平荆

門西舉劔閣命伏波之將以清嶺表詔樓船之師以
克江南係三偽主生致闕下求諸前代罕有威武若
斯之盛也故匈奴畏服而請吏南蠻奉琛而納款雖
先朝之英武底寧寰區由吾君之密謀贊成大業皆
魯衛為兄弟晉鄭稱昭穆咸能夾輔王室保扞宗周
而春秋紀其勳也晉唐祖革隋由太宗之功明皇滅
燕賴肅宗之力寰區果大定宗社乃再安故實錄紀
其事也仲尼稱其或繼周者雖百代可知披皇圖而
稽帝文揚英聲而騰茂實堯有天下以文思允恭之
聖得邦國社稷之臣始以義和為日官次以重華錄

大政曰垂曰契克諧俞往之言曰夔曰龍盡協疇咨
之命所謂精求理亂明辨凶賢衆賢既登庸四凶遂
流竄然後土階三尺茅茨不翦垂衣而天下理不亦
陶唐善政太平乎洎舜格藝祖纂堯之績輯五瑞以
來羣后巡四嶽而省輿民協時月之無差同律度而
必審聰明咸達樞機不壅猶謂其臣曰予欲左右有
民汝翼予欲宣力四方汝為華蟲藻火之文以汝明
之六律五聲之音以汝聽之猶以上之過失或未聞
下之謀猷有未達法誦木之求理建善旌以表誠語
曰舜無為而理又曰韶盡美矣又盡善也斯乃有虞

之克肖唐也至於禹勤力於漭泆致美於絃冕設藻
求讜言之善泣辜見卹物之仁拜伯益之昌言誅防
風之後至傳曰微禹吾其魚乎語曰吾無間焉大哉
湯革夏政應乎天順乎人用王者之干戈救生靈之
塗炭肇征葛伯四國悅之後戰鳴條天下尊之設總
街之大庭訐謨畢至解野人之密網曆數攸歸書曰
東征西夷怨南征北狄怨斯所以見禹湯之致雍熙
也雖典籍所備載今古所熟聞然則遠取前王近方
聖代則堯舜為帝道也禹湯為王道也舉是四君子
而比萬乘主且何愧焉曠數千載之間踰七十君之

盛中有漢氏稱刑措而不用迨至唐室有囚釋而自
還亦足方駕皇風並驅大道臣今謂繼唐者非太宗
乎自陛下臨御以來天下之目顯然觀朝廷之所行
天下之耳專然聽國家之所務陛下果以天為貌以
道為心以萬民為體以六合為家謂三王之禮不相
沿五帝之樂非相襲或因仍舊制或釐革故事發先
庚之教令施渙汗之恩私始以寧邊為遠圖次以納
諫為切務振幽拔滯旌賢進能蠲關市之征勉農桑
之業哀悼鰥寡惻隱困窮禮高年尊有德封樹降漏
泉之寵室家覃疏邑之榮王言如絲其出如綸不終

朝而詔下朝堂未及夕而令敷國內纒浹自而恩均
天下宜乎至和之氣感於天地不測之神發為禎祥
六辯弗迷四溟無蕩五緯燦編珠之彩三階若懸衡
之平雨流潤以如膏雪盈尺而呈瑞閭闔風來而應
候貫索星稀而省刑太史銅渾不失陰陽之節容成
玉曆遂更正朔之文驗休徵考洪範善謀則時寒自
應睿聖則甘澤不愆斯皆德動天以昭章物有感而
通泰語封疆則東際森林之國西走葱河之道日南
萬里設都護以懷柔漠北五原化單于之獷鷙有以
見王者無外書軌大同豈止代馬新羈願備六閑之

御名輦入首來稱九譯之朝論都邑則陳留古封高
丘雄地仰渾儀則房心之分按地圖則豫州之域左
控齊魏右引淮湖關里閉以綺紛湊舟車以鱗萃皇
居壯麗信威戎而憚夷都人雜還實駕肩而擊輶閱
文物則司徒以七教理兆民樂正以四術教胄子賢
良待公車之詔後造升天府之名煥然若重萬之明
炳焉得奎星之象諒千古之下與三代同風班馬文
章列芸閣麟臺之次嚴吾侍從居石渠金馬之中觀
武備則精兵三百萬功臣二十四世祖兼昆陽之衆
曹公得劉琮之兵是以軍容益嚴國威大整雖四鄙

無事靈臺有偃伯之期而三農之隙司馬有教戰之
法比夫驪山講武陶唐紹之草儀澤國觀兵鄙楚君
之憑軾言盛禮則君尊於上臣肅於下法厚坤之有
別本太一以為容民得之則父子親而兄弟和國用
之則祭獲祥而戰必勝然後以車服而別之以爵勳
而辨之以珩珮和鸞以聲之以黼黻締繡以文之故
百官象物而動九貢不戒而至聽雅樂則五音正六
律和用於方澤而地祇升奏於圜丘而天神降振作
于廟知祖考之來思鏘洋于達感鳳皇之戾止朱干
玉戚兩階見象武之容樹羽崇牙六佾辨用文之德

詳制度則明堂為布政之宮太社為禮神之本金城
儼百雉之峻天門踰兩觀之崇謁靈臺以視常文闢
太學以優儒教連營棊布若羽林之四十二星列署
鱗差比太微之三百六位驗豐富則金齊曰魚鹽之
國右蜀為金碧之府南越出珠貝北燕多健馬國家
既網羅六合達衢八荒異物內流而國用饒萬貨均
輸而公帑富陋隋文之儉德稱有義財輕漢武之事
邊肇興徭算較版籍則既庶矣又富矣所謂積於不
涸之倉務稼穡也藏於不竭之府勉桑麻也皆陛下
濟之仁壽之域導其生殖之源故比屋可封外戶不

閉仲尼觀蜡退而稱三代之英伊尹持衡慨然慮一
夫不獲語臣寮則廟堂之上得賢相也三軍之師皆
良將也可以侔周之十亂虞之五臣儒雅雍容登瀛
洲而論道英雄慷慨畫雲臺而紀勲功成理定既如
彼禮備樂修又如此陛下猶以本枝百世封建親戚
恩之先而禮之大者也乃謂侍臣曰昔周王涖胙以
輅車旌旗夏后之璜玉封父之鯨弱追闕鞏之甲密
須之鼓姑洗之鐘商民之族以為分物用彰國家之
庸而賜諸弟封伯禽於魯封康叔於衛封唐叔於晉
左史書之至今稱為美事朕於是命有司陳玉榮冠

劔鹵薄鼓吹以營正四履之國封皇弟為齊王又命
太常以金輅蒨旆鉅鬯圭璣疏鷄首千里之封遷侍
中為京兆尹又命禮官以虎符獸節去第金烏分南
梁十四郡之地升太保為興元連帥信堯親九族周
重宗盟楚國析珪稱莊王之九德漢家刑典非劉氏
而不王宜乎皇基若磐石之安宗室比維城之固庸
知卜代之吉何止於三十卜年之永將踰於萬齡君
有威儀而可尊臣有禮法而可仰天下無事海內有
截皇風蕩：尊盧赫胥之朝民物熙：柏皇陸粟之
世脫寶劔以賜騎士却駿馬以駕鼓車惜中人之產

而罷露臺愧吳芮之心而賜几杖集書囊以帷殿列
諫疏於御屏觀明堂以去笞刑畫衣冠而別有罪野
老或不知帝力公卿亦耻言人非行萬里不持寸金
消五兵可為農器海牛南卧遠夷占以來朝楛矢東
歸旅宰司其所貢魚在藻以遂性鷄食椹而懷音瑞
露凝甘降竹柏之上景星垂象助晦朔之明器車知
厚載之仁丹甑表將豐之兆冀生近砌因更月而呈
芳蕙在中扈亦無風而自動書曰魚鼈咸若詩稱行
葦不傷由庚蓼蕭悅適人之見采芝房寶鼎流樂府
以登歌信宗廟之垂靈當地天之交泰攸宜垂蕤纘

凝冕旒棲神于穆清守道于玄默遊大庭以怡睿覽
升姑射以適皇情於是三事大夫率百職卿士秉相
圭以就列委蒼珮以颺言曰陛下德掩前代功格玄
穹古稱因天事天因地事地封禪之禮歷數十世而
無覩焉天其命陛下脩闕典秩無文哉不然安得民
和神悅乎若是乾符坤珍之畢臻臣等遐詳舊儀得
之新禮欲願陛下觀羣后於東國展嚴禋於岱宗命
虞官相高卑之儀詔掌固施表著之次泰壇三巖祠
昊穹之神圓陞四周列衆星之位雲門大漢施於重
壇之中句陳執金周於四門之外玉輅金根翼於道

殊珍衆寶旅於遼庶邦冢君四夷酋長環天壇而序
立攸飛之將羽林之兵衛禁署以增威於是宵漏未
盡中嚴外辨服冕裘而上征鳴玉鸞於太清祈昭嘏
於萬靈布福壽於羣萌採金榮以受神休封玉檢以
成大禮然後勒丹碑於雲際霈玄澤於天下以彰盛
烈也不使七十二君獨美於古先也皇帝嘉忠誠之
懇禱而猶懷謙德而未報既而聲聞于外下臣得之
於道塗不覺抃蹈以為美盛德之形容無先於頌雖
菲才之無取幸昌運之重熙願以詩聲揚于玉庭曰
德厚稱帝 仁勝為王 仁德兼備 謂之三皇

天命靡常	邦或其昌	吾皇嗣位	南面垂裳
左唐右虞	超周掩高	大業於鑠	鴻名焜煌
二儀幽贊	羣靈協祥	河圖啟瑞	洛書含章
運逢交泰	時來允臧	君明臣賢	禮備樂詳
書軌大同	貢輸相望	風雨弗迷	黎元咸康
至和之氣	感天之陽	日流嘉彩	星垂瑞芒
三脊之茅	茁然呈芳	九苞之鳳	飄然來翔
堪備縟禮	升告穹蒼	泥金載密	燎煙高颺
鸞車珮衣	交鳴鏘鏘	天靈地祇	降福穰穰
用表我皇	太平昭章	億萬斯年	永無疆

武有七德頌并序

聖人守法度以信禁過差以義翦禍亂以兵示人之誠惟信為速感人之心惟義為速濟信與義惟兵為速兵不可弭堯舜猶用之以禁暴武不可黷湯武猶戢之以愛人故周禮則曰兵有九伐魯史則曰武有七德兵者利用也生殺賞罰出於己旌旗金鼓榮於目摧堅破剛快於意苟不以道德仁義主張牢籠以彰明武德則淫戾之過返諸己而驅除之柄在於人也夫物之不附由曲直相戾人之不親由間隙所生間隙既生曲直不入則情離意瀝心越意去聖人以

兵附而麗之合而會之兵猶器也斂拂戾違慢之國以納諸器而提挈以致霸王之業其在周易象曰頤中有物噬嗑比天地為頤也萬民為頤中之物也聖人以甲兵為齒牙噬而合之乃能通也小則以五刑而大則以五兵威而懷之使心不離糾而合之使意不散所以大國畏其威而安靖也小國懷其德而慈和也皆周德下衰經武之柄為齊桓晉文所用是以徵包茅示禮遷刑器示仁伐原示信蒐軍示義故魯衛宋鄭曹邾杞鄆以土地封矜之大小貢賦藝極之輕重奉齊晉以司盟瞻齊晉而為命蓋服有禮而畏

有法也在二霸猶然況聖人暢之如天載之如地燭之如日月涵之若江海所加之兵所臨之國非土地是貪惟封疆是正非玉帛是取惟職貢是徵非威武是耀惟凶慝是服非震怒是逞惟教告是明觀其以兵除害所以見禁暴之德也以順為武所以見戢兵之德也有功而不伐所以見保大之德也克亂以纂京觀所以見定功之德也所務不違民欲所以見安民之德也興廢繼絕所以見和衆之德也動不耗國所以見豐財之德也暴既禁則兵可戢兵既戢則大

可保其大則功可定其功則民斯安民既安則

衆自和衆既和則財乃豐強兵之本在農務農之本
在民安民之本在德兵與農交相養德與刑交相用
利與害交相生聖人觀釁而動非七德不安動也聖
人見可而進非七德不安進也故詩人美禁暴之德
則有於鑠之詩在也美戢兵之德則有載櫜之詠在
也美保大之德則有允王之篇在也美定功之德則
有耆定之章在也美安民之德則有繹思之什在也
美和衆之德則有綏萬之歌在也美豐財之德則有
屢豐之頌在也今國家德兼於堯舜功高於湯武苟
不形容盛德蹈舞頌聲則亦司言之罪也敢拜手獻

頌云

於鑠王師

煌々其武

如龍如螭

如熊如虎

以道以德

為鉞為斧

以仁以義

為干為櫓

惟亂是伐

惟凶是取

能禁其暴

削其土宇

能戢其兵

肅其部伍

善保其大

仁信周普

克定其功

禮樂歌舞

聿安其民

惠若時雨

撫和其衆

衆實安堵

既豐其財

實乎帑庾

言有訓誓

伐有鐘鼓

以威以懷

以招以撫

柔而不茹

剛而不吐

孰為厲階

孰為怨府

如工理木

如農事畝

正其微墨

以合規矩

去其穠莠 以養稷黍 為黎庶君 作諸侯主
萬方黎元 莫予敢侮 小臣獻頌 願播樂府
祝網頌并序

皆夏王縱暴庶民罹毒痛之災成湯修仁四國有旋
歸之意雖空桑之子來翼霸圖而九戎之兵尚為桀
用非至仁無以克敵非全德無以勝妖至仁伊何澤
及草木全德伊何信孚禽魚故盤有銘而敢憚于勤
兵以律而得以專討葛伯有弗祀之過農夫值奪餉
之仇湯於是始行問罪之征用慰來蘇之望諸侯聆
之而昏悅生靈悅之以知歸所謂三豕天下而湯有

其二猶以為桀雖溢惡而君不可伐靈茅銘戟未興
時雨之師神蛟應龍已有躍淵之吉一旦飾高蓋以
言邁適郊原以肆懷觀山澤之虞人形殺心而祝網
曰自天之降從地以出四方來者皆入吾羅湯聞之
曰嘻盡之矣非桀之徒歟孰能與於此乃命解其三
而更教之祝曰啟左者左欲右者右高下如之吾取
其犯命者於是漠南諸侯咸聞帝乙之言益知聖人
之德由是鼓舞以慕化歌謠而歸亳一時而至者凡
四十有六國書曰惟天輔德其命靡常宜乎順天人
合發之機膺曆數在躬之運進破安邑遇戰鳴條陳

逆順以誓師衆皆聽命以寬仁而伐雲誰不歸懷遂
俘玉於三朶乃握圖於萬乘考緯書之撫實稽瑞謀
於前言有白狼銜鉤黃魚化王視拱穀而妖亡福戒
禱桑林而雲蒸雨流斯皆動天之德昭章革命之符
赫奕而尚懷慙德惕然罪己豈非聖人以至公而大
權自獲因勞謙而微號難辭雖云解密納於一央其
實示深仁於萬國法天道恢疎之象見君恩青肆之
懷蓋禮有三驅釋前禽而不取法踰再赦當撤懸而
弗足以知有高懷惻隱之仁後代仰高明之德事
在世紀安敢忽諸因作頌以美之曰

網罟之設兮蓋取諸禹以畋以漁兮必戒乎時禁惡
日侈兮民心益離湯仁天授兮曆數攸歸解中野之
網兮更其祝詞諒好生惡殺兮示君父之慈宜其享
天祿兮垂千古而是思

五聲聽政頌 并序

替文命事堯之明受舜之禪大功赫奕炳於日月至
仁涵濡霈若雨露然以堯之聖猶以謫木聽於人以
舜之才猶設善旌求其過況我臣於唐乘四載而平
水土嗣於虞觀七政而御曆數敢忘踵其懋德師其
明規於是設五聲以示誠俾羣賢而納誨故題於簾

曰教我以道則鳴鼓告我以宜則撞鐘示我以事則振鐸語我以憂則擊磬告我以獄則揮鞞五音在器五器在懸設於朝列於庭外以示國人內以示廷臣食土之毛居士之濱在予之化為予之民苟有道有宜有事有憂有獄必從予而伸必率意以陳堂雖深於千里善意嘉謨不得不聞天雖高於九重言莠詞不得不達享予之祿立予之朝唯予職是守唯予過則規苟有道有宜有事有憂有獄必從而言必面而諭雖憚犯顏而良規嘉畫不得不聞雖畏直諫而忠誠赤心不得不見奠簋之設有所取象天有五緯

國有五教君有五官臣有五諫欲召五諫遂設五聲聲如五達之衢廓之而無壅諫如五土之民懷之而則來鼓之音博而達故使教我以道者鳴鼓而言焉鐘之音屬而整故命教我以宜者擊鐘而達焉鐸之音流而不蕩故令教我以事者振鐸而述焉磬之音哀而思故勅喻我以憂者擊磬而伸焉鞞之音慘而急故詔示我以獄者揮鞞而至焉處至尊之位持思理之心聞其扣擊之聲知有謬諤之人耳則矍然心則惕然或投袂以起或推几以出或反席以待或怡顏以接所以下之情無不通也上之過無不聞也是

知聖人位愈高而心愈慎當懷襄之際墊隘是懼慮
萬物汨為萍藻憂萬民化為鱗介堯咨于朝鯀殛於
羽水土之職我專其任濬洫之勤我致其力聞昌言
而必拜聆呱泣而弗視天鑒其勤神贊其功圖出于
河書出于洛蒼水使授以祕籙淮渦神鑠於深淵一
旦百谷皆導而順流九州大同而交泰偃緒之地化
為沃衍隰臯之上鞠為芻牧土有柔柔田有嘉穀所
謂聖人有巨功於天地也有大賚於生民也堯既錫
以玄圭舜乃授之大寶定公有微君之歎宣父伸無
間之言然猶日加慎也夕加惕也慮政有關恐過未

聞繇是建五聲采衆善衆善既至萬機聿理名愈崇
德愈隆道愈彰惠愈洽禹迹萬里禹謨斯在鼓鐘之
器奠簞之用與夫考擊於樂府振作於公宮特異也
退頌聖德以彰鴻勳頌曰

立大功兮享大位慎其終兮德不墮菲其膳兮厚祭
祀惡其服兮美黻屨猶詢賢兮以自樹欲問道兮常
自裕羅五聲兮啟諫路用羣材兮為國輔幹於道兮
邦彌早基於德兮名轉固不然安得聲為律而身為
度

咸平集卷第二十一終

咸平集卷第二十二

策對

制策

京

兆

田

錫

皇帝若曰國家承五代亂離之後稽三王質文之變
太祖以神武定天下太宗以聖文化域中萬里封疆
復禹舊迹二聖功業與天比崇德化所被靡不祇若
日月所照罔不率俾自開創致升平迨四十年矣朕
以寡昧嗣纂大位遵守先訓慮弗克負荷夙夕未遑
寧居惟萬務之幾微鑿燭未明中心浩然罔知攸濟

兢業五載于茲矣鎮撫夷夏康濟黎元雖下承
成規事仍舊貫庶政用乂寓縣久安屢降詔書旁求
讜議五日轉對忝復往制尚慮君子難進嘉言攸伏
故詳延賢良方正之士咸選于庭欲聞經國之謀輔
時之榮明予于大道致予于至理今予大夫其發揮
理本揚道要言又曰從朕敢忘洪範之訓噫大道之
行三代之英仲尼其猶喟然又書不云乎克念作聖
孟軻曰堯舜亦人朕永惟皇王之理思復三代之迹
堯民比屋可封舜韶鳥獸率舞夏后魚鼈咸若文王
虞芮讓畔何千古難繼其或繼之者厥道何從厥理

安在其次適時之務安可忽諸今三邊無虞重譯入
貢制獫狁自古無上榮禦姦宄不得已而用兵方求
聞所未聞得所未得慮黠虜乘間屢來搔邊邈賦負
恩罔畏干紀致勞征戍每煩供饋供饋出於民力征
戍資於國用專利山海殖貨關市或譏王道之未融
豐財於農桑節用於制度其如邊備之未足斯二途
取舍其術安在又古者十一之稅秦氏太半之賦其
按田收租始自何代計口定算肇於何時春秋曰近
監公室乃貧管子曰謹正鹽筴其義相反何所適從
又勤卹人隱奉若天道而間歲以來陰陽不和水旱

作冷寒暑罹於疫癘歎儉致其流亡夫安上理民禮
樂為急禮以奉天地樂以和神人豈陰陽之或差致
水旱以作冷札瘡夫昏流庸浮冗無乃禮樂之用其
未至乎嗚呼上失其道民散久矣諱議禮樂予將疇
咨觀禮以知興亡審樂以明理亂非賢臣弗達予大
夫懷才抱器學古待問知己慰薦副朕東求各罄爾
之所長交修予之不逮敷之條對靡有所隱

試同人榮

問君子之儒貴乎博物學者所務先乎辨疑吾子各
蓄奇能榮來觀國願以咨詢之志略闕辨博之詞三

皇之名五言靡定五霸之號所載亦殊堯知鯀凶何
以用之治水舜事父孝何以不告而娶范宣之讓能
易樂鱣之心文王之仁不變崇侯之惡皇舞用於何
際甲曆起於何時良平之功與謀何人最善韓柳之
文與行孰者為優漢高稱善御英雄何以致韓黥之
叛周公有信睿之聖何以生管蔡之疑韋略為於指
明冀用祛於憎昧

二

問皇家創業垂二十年平楚取蜀係吳破越復三代
之王略消羣凶之厲階正朔遠頒恩信大布外域爭

輸於貢奉云亭方俟於登封然念三晉遺黎未霑皇澤一方鉅盜猶保孤城世宗興問罪之師大勳弗集先帝有平凶之志聖榮未伸觀往古之用兵實研幾於料敵山川形便始務諳詳攻守利害必精計畫晉宣決勝以周暮而可取壽春克國圖邊請益兵而方濟戎捷揣摩之術毫釐靡差國家以德懷來用衆敵寡佇獻俘於宗廟方擇善於臧謀子大夫久練時機雅稱國士願畫蕩平之榮勿陳游誕之詞

私試榮

問國家奄有中區誕敷文德考河圖而括地象率土皆賓蒐兵實而閱武功遠夷咸伏叢翕并土猶怙堅城興周宣六月之征尚聞逆命用虞舜兩階之舞無以懷柔子大夫榮與國華久諳方略願聽蕩平之榮以觀經緯之才

對

對兵貴伐乎深謀妖不勝乎盛德仁修而獷鷲自化備設而攻取無疑我國家丕建洪圖垂二十載先朝以神武之略蕩定天下吾皇以聖文之德撫育中區萬方咸賓九貢來底蠢茲并土久隔皇風雖懷之以德而弗來震之以武而未服亦猶鷲營巢而在幕魚

失水以居陸雖暫苟活其能久存管子云料衆以攻衆孟子云王者之兵惠若時雨今料衆之義請試陳之以國家之土疆遠且萬里以聖朝之士卒精而久練府庫豐實雖漢武事邊之財未階於今矣黎元富庶雖玄宗開元之間未俾於今矣以此衆戰何敵弗克以此衆攻何城不降國家但欲示之以仁而使自知歸化之以道而俾其自服也又何疑苗民怙險度七旬而弗歸崇侯弄兵必因壘而方至必欲誅元惡以示法弔遺黎而表恩則兵家之謀有五間之術司馬之法有九攻之儀舉必成功動無遺算然兵者詭道戰以譎勝當太平之世實愧言之以威服之以德化之在此二道也謹對

第二道

問以禮化民惟誠致道必因講習方致淳和驗前代鄉飲之儀見躋俗禮容之盛有唐之後歷代弗修今國家方屬於升平俎豆諒宜於修襲所冀白華播曲誘孝悌於深心清管登歌發融和於庶彙嘉言復古虛意待賢願指明其是非仍發揮於損益

對

對先王制作禮樂化導黎元亦猶置水于盤方圓斯

就鎔金成器模範靡遺觀鄉飲之儀喻國人之禮俾
日而習之月而化之聞管磬之音則和樂生乎中矣
覩樽彝之設則恭肅加乎外矣閱賓主升降之容則
知尊卑有序矣熟雅頌誘喻之意則知孝悌有自矣
斯禮久廢淳風未還詳天命之有歸俾吾皇之復古
宜乎海內大定寰中大理日月宣明乎天道風雨咸
若乎歲功民心悅隨物性交泰鄉飲之禮白華之歌
願復行之天下之幸謹對

第三道

問懷才待舉隨計觀光苟非該博之儒寧稱詢謀之
旨三王禮樂胡不相沿百代職官何因懸省孟子稱
至仁無敵安得苗民弗恭仲尼去積善餘慶曷以丹
朱不肖瑤琨篠蕩首自何州淮濟江河發於何郡春
秋以藏冰得禮則風雨弗迷洪範以修德動天則陰
陽自順惑乎確論無所適從高談勿吝於辨疑奧學
用觀乎歷試

對

對王者功成作樂理定制禮故唐虞之功成乎揖讓
則大章蕭韶之樂作焉湯武之理定乎平蕩故司儀
奉常之禮異焉玉帛之容取乎化民心不取乎觀閱

也金石之奏取乎和物性不貴乎鏘洋也蓋隨時之
理亂因時以損益故三王禮樂不相沿也職官之數
亦然書曰唐虞建官惟百夏商官倍亦克用又周漢
以降迨及有唐沿革不同雖省靡定酌理言之苟得
賢才雖簡略而亦理苟曰常吏雖官長以何為苗民
終服於舜干有以見至仁無敵也丹朱得備於虞賓
有以見積善餘慶也瑤琨稱珍篠蕩克貢、自惟揚
之域詳乎有夏之書河發源乎崑崙江濫觴於嶧冢
淮濟之出載籍備存藏冰而風雨弗迷申豐之言未
臻至理也修德而陰陽自順箕子之辨乃可垂訓也
錫淺陋之學不足以待問王廷荊菲之詞不足以發
揮古義徬徨震恐不知所裁謹對

開封府試策三道

我國家誕膺景命爰創洪圖立萬世不拔之基成四
海混同之化主上大明繼照聖德日躋乙夜觀書旰
食聽政訓兵練將以養銳務耆勸農以豐本菽、不
倦豈無意乎豈不以薊北戎人尚侵禹畫河東餘孽
猶保梟巢然則二寇歡盟數世連結畏中原之強盛
曲陳款附之誠憂同惡之危亡潛懷救解之計若擊
之則有阻夷狄來王之意若置之則恐違生靈後望

之心取捨之間後先安在秀才博達今古洞照機宜
來覘國光豈無良榮試為條對將副虛求

對

兵貴伐乎深謀妖不勝乎盛德仁修而擴驚自化備
設而攻取無疑我國家光啟寶圖垂二十載先朝以
武功定天下吾皇以文德化域中故四夷咸賓九貢
來底雍熙之化升平之運今其時矣蠢茲并土尚隔
皇風懷之以德而弗來震之以威而未服恬戎人之
強授幸同惡以相濟孟子曰至仁無敵於天下管子
云料備以攻備存而弗攻今國家民俗寧和隄封

遐遠府庫豐富兵革精練以此勝敵何敵弗克以此
攻城何城弗降主上但欲修德服匪人之心養威惜
黎元之力何憂有苗負固不歸舞干之化裔戎懷詐
外示款塞之心而已哉必欲念一方之遺黎釋二寇
之逆節則兵家之法曰其所恃又曰用間有三若
以聖人用間之術絕叛人所恃之心則自然盟好攜
疑而黨援孤子也若是則舉一并土若吹鴻毛則戎
人救解之謀無所施焉外域款附之誠化為信矣書
軌混同之榮英威蕩定之機在斯術也管羊祜取吳
猶以仁義吳中感惠不稱祜名矧蕞爾賊臣安足為

聖朝言議也謹對

第二道

問有國者設爵求賢懸科待士雖古今之通制在法
草以殊途周開後造之科漢重孝秀之目皆因鄉曲
之譽遂登公卿之府末俗澆薄浮競成風或託勢援
以干有司或假梯媒而取上第有唐季世此弊尤繁
今國家以文教大興古道盡復若采聲華於鄉曲恐
漸成朋比之風但令程試於有司又慮開請託之路
取士之道何術為先秀才若榮試於天廷將何辭以
待問

對

求賢擇才周禮精其術也升廉舉孝漢制得其要焉
何哉士之賢愚審乎鄉黨故鄉舉里選之目王制備
焉才之優劣審乎榮略故直言極諫之科漢書備焉
觀歷代之取人詳賢才之中選唯周與漢最得其宜
迨至有唐首開貢籍于時中太常之第者尤為寵榮
雖公卿之才自茲而得而仕進之典亦由是興今國
家采三代之典謨熙百王之禮樂精擇賢能之士待
以爵祿之榮尚慮妄干進於有司竊虛名於由徑莫
若損益先王之術詳取士之機先試之以經濟之

謀後訪以英翹之譽責其實稱乎名若名實之相符
必是非辨又何慮啓幸心於請託鼓虛譽於比
周也謹對

第三道

問周均井賦漢重力田皆敦本之良規為後代之成
式稅關市者始防游惰論鹽鐵者亦救弊俗何淳古
之漸醜遂末作而忘返不耕而食者塞路不織而衣
者寔繇浮汎之戶漸多兼并之家日富恃豪強者或
勢侵於州縣逼飢寒者亦難守於丘園以至賦籍不
增版圖亦耗近世談論之士亦有沿革之書皆非永

遠之謀唯取一時之利我國家政同三代道邁百王
待訪羣謀思臻至理秀才道窮秘奧識洞古今來副
虛求必懷良策且井田之利可以復於古否力耆之
科可以行於今否游惰者何以及之返本兼井者何
以使之均濟禁豪強者何法拯飢凍者何術試為縷
陳無甚高論

對

昔黃帝設井田之法周文用土著之令故生民之衆
寡由是而詳焉王者之征賦由茲而均也洎秦君圖
霸高鞅適變廢指王經久之術濟強國縱橫之用井

田遽廢阡陌驟興兼并之弊遂生賦輿之法不一洎
漢家垂統武帝事邊以鹽鐵六管之財佐疆場連年
之用末作益甚而黎元愈困後代救時之弊者或以
土斷禁流亡之俗或以常平均豐歉之民牢籠萬邦
平準百貨信史備載斯言可徵夫井田之賦千古絕
迹不可復也力田之科前王所行未足尚也使游惰
者返本莫若利其衣食之源使飢凍者相濟莫若抑
兼并之人也兼并既抑則貧富自均貧富自均則豪
強自禁其術安在、乎王者提利權而均國用也重
輕萬貨斂散百穀乃其術焉錫愧無待問之才幸與
觀光之試智榮無取方略靡詳憂畏徬徨不知所措
謹對

試進士榮

問富國備邊實資農戰化民導俗本貴儒立尚立以
清淨為宗尊儒以禮樂為本書稱偃武春秋謂不可
弭兵禮重中庸刑法欲畏如觀火聖人垂訓取捨何
從國士懷才是非必當願聞至理上副旁求

第二道

問聖人之性與天地合故不待多學一以貫之又云
終日終夜不食不寢以思無益不如學也垂訓各異

其理何從夫臣之事君將順其美而魏徵之諫請停封禪父有諍子不陷令名而瞽叟不賢未聞諫諍請發揮於古道真釋去於所疑

第三道

問易道精微王弼之注行之久矣羣儒共傳而云進物之速義不及利成物之終利不及義嘗思至理其不然乎湯武之兵興於二季豈非義也丘軻之言垂於萬古豈非利乎况裁事得宜而謂之義進成於物豈有異焉幸聞嘉言以祛未悟

第四道

問書云師古易曰隨時執守則昧於時機適變則違於古道比德於玉仲尼何獨佩象環知幾其神周公豈或罹讒口繫于金柅未詳金柅之定名席上之珍莫辯席珍之奧旨子該通為學茂秀懷才觀光斯來待問程試幸悉至理以副旌求

第五道

問摘山煮海以資軍儲關譏市征亦禪國用自蒐狩教習之禮廢而點閱召募之事興乃徵齊民永充士卒又因廣福願度緇黃故祠部籍名其衆動盈萬數戎麾隸役終老不復歸農故一夫之耕支贍靡足一

婦之織供億無餘致田疇少闕於荒閑租賦急用於
徵督子有何術為究斯言

第六道

問井田難復榮論已相承備言屯田可興士卒又難
為兩役邇來雖聞建議未見成功所以備邊有饋運
之勞積粟無通濟之術其理安在幸為敷陳

開封府發解榮

強學待問儒行所先博物辨疑識者當務成湯七號
幸略紀其微稱文王九德亦可舉其成數漢雜霸道
孝元之志不同鄭鑄刑書辨向之心特異是非安在

取捨何從荀孟言性之有殊孰者為當管樂立功之
俱善何人最優守道不如守官非道何以能守教
民不如化民非教何以能化文行忠信忠信非行
歟禮義廉耻廉耻非禮歟復井田則其議屢聞行鄉
飲則其禮尚在方當明代可舉而行子大夫以為何
如幸詳斯言恚意以對

第二道

古者蒐狩之禮以教民戰征伐之際稽諸版圖里閭
有士卒之名井田賦馬牛之數聚之則蓄為我武散
之則復為齊民洎王道其亡霸圖相繼以兵逞欲以

民養兵、農由是遂分財用以茲不足筦權以為國計賦租先於軍儲因茲游惰之人罕務耕桑之業加以不耕而食不蠶而衣其徒寔繇豈可悉數議復古則見非於知變論適時則思有所聞今沿塞屯田防秋戍卒疆場無事可力穡以服勤戎狄之虞則被堅以禦侮可以救三時妨奪之害免千里輓饋之勞佇聞嘉言以觀方略

第三道

儒者之行貴難進而易退君子之德先人而後已所以鄉舉里選既升後造之名循名責實乃得公卿之器貴其身所以錙銖視國尊其道故有師傅之稱洎於世以還其風不振漢以詔策取賢良方正之才唐設科場較詩賦文論之藝雖英髦間出豪傑並驅然有進不芥藻其行能退不砥礪其名節豈俗之澆薄使之然化之敦勸未至也今議賢良之薦必自於鄉里文行之選不由於科場冀士林茂三代之英賢路導四科之士佇聆商較以副薦揚

設邊吏對

晉漢孝武勤兵十八萬北過天山旌旗林殖徑周千里金鼓川沸聲聞于天匈奴震恐不敢抗威棄衛帳

而遊帝外單于臺有躡武驕傲之色乃有邊吏老矣
然精強矍鑠狀貌魁傑若賈餘勇遂屬橐鞬請見于
軍門上召與語曰若居邊鄙多歷年矣諒諳練戎政
而詳悉事機今天山之北大漠空曠經川通谷平原
險蹊車戰之地騎鬪之場客主便利者凡有幾何其
次濫車之水伏兵之道堡衝壘要峙糧輓芻之所復
何從而善若當恚意以陳朕欲周知其名數期以殄
滅匈奴而後已邊吏曰臣遠祖唐堯時為華封人嘗
因祝延洪之壽于堯乃嘉其忠孝命世為疆場之
吏俾食關塞之征厥後歷夏商周以迄于聖代子孫

嗣襲不絕臣雖不佞今辱守祖先之職疆場之事敢
有越思於是以山川形便之地堡壘控扼之勢洎戰
鬪利害與烽燿遠迤恚陳于上前帝益悅而善其稱
職命增之寵數邊吏辭之曰臣受國深恩今數十稔
未有塵露裨益敢以口給之對遠欲邀陛下寵光臣
嘗讀家藏之書見唐堯帝天下以清靜為理先勞精
於求賢果得舜於側陋舜由是舉十六相而去四凶
海內大理以至于無為當時遠夷慕德咸相率而朝
貢其言具列于唐虞之書及禹貢載要荒之義是也
舜禹繼堯而理不更其道故有明珠大貝奇器良馬

迭克王遼有以見皇風王化覃及殊俗梯航險深而
至者然于時不以窮邊極裔為意而以修德化下為
先洎太康喪國四夷來侵賴后相纂嗣且征且討或
叛或服然德信衰薄未足來遠迨成湯文王勉道勤
仁故羗鬻鬼方復修朝貢大約道德服人之心而兵
革制人之力與其制人之力曷若服人之心故春秋
謂武有七德所以王師一出若時雨之降旱歲也然
猶聖人不得已而用之今陛下承文景理平之運海
內豐富時和民安胡不端居穆清垂拱而理上法堯
舜禹湯之德使渙汗之令一發天下若風行草靡而

自躬勞聖駕親董戎行頓兵於為鹵之地豈不聞先
帝却千里馬罷露臺而遠人自歸仁乎况兵不苟聚
戰不幸勝苟聚則財耗而民困幸勝則害多而利寡
設使陛下得戎虜之地譬如石田何所用也臣雖愚
駑竊為陛下不取武帝不悅事邊益急由是伐朝鮮
驅林胡取莎車滅葉護連年不息海內空匱乃下令
鬻爵得以補吏入粟得以免徭用度未足遂取管榷
之利算及舟車而民益困搜粟都尉諛上而言利不
已請田輪臺帝方大悟追往年邊吏之詞下哀痛之
詔命封富人將以息天下然因耗已甚矣

咸平集卷第二十二終

咸平集卷第二十三

表一

謝御製和祝聖壽詩表

京

兆

田錫

臣錫言今月十七日宰臣瓊赴中書伏蒙聖慈宣賜御和臣所進乾明節祝聖壽詩二十韻者俯拜皇恩仰闕睿藻駭凡目而怔忡失次閱聖文而榮抃交并中謝伏以華封慶祝之辰里社呈祥之節頌聲合貢忠懇冀伸豈謂皇帝陛下降御製而頒宣命台階以錫賜始歡呼而跪受終揚厲以退思且書曰賡歌詩

稱大雅但美升平之際會或揚德業之形容未聞臣
下獻葑菲之詞君上蒼英華之什斯實皇朝新事玄
旣殊恩用紀瑤編六義常彰於睿思光寶運千齡
永固於昌期臣無任感恩荷聖榮耀兢惶激切屏營
之至

進藉田頌表

臣錫言伏以東郊之儀藉田之禮歷代久廢明詔復
行闕典旣修無文咸秩三農知勸詎忘稼穡之勤萬
乘親耕將備染盛之薦凡居率土孰不歡呼臣中謝
伏惟皇帝陛下體天覆育並日照臨以百姓而為心

慮一夫之失所講求典禮咨訪闕遺導其衣食之源
務以農桑之本祥符交薦上瑞必曰於豐年王道已
融聽政尚勤於日旰以為藉于千畝禮有三推耒耜
寘之於輅車種耜獻之於宮禁表身先於貨殖果德
動於昭回嘉雪應期盈尺已豐於渥澤大田將稔載
歌方美於京城易曰先天旣便蕃於景貺書稱固本
乃勉勵於羣情將以致孝享於宗祧貽慶賴於黎庶
聖朝師古有以見勸農務穡之心來業美談可以播
下管登歌之曲臣幸逢昌運忝列侍臣清禁演綸殊
之論思之用黃門進牘難偕體物之詞敢不祇率鄙

懷比求音於扣竽謳謠聖德因獻頌以達誠固慙葑
菲之文上躋冕旒之鑒然國家盛事已聞野老之歌
臣子為心合效華封之祝謹詣東上閤門進藉田頌
一首干冒宸嚴臣無任惶恐激切屏營之至

進文集表

臣錫言臣聞美盛德之形容謂之頌抒深情於諷刺
莫若詩賦則敷布於皇風歌亦揄揚於玉化下情上
達周禮所以建采詩之官君唱臣酬舜典於是載賡
歌之事既逢清世何讓古人木鐸求風之詞彌光
聖德金門獻芻蕘之說式表忠懷中謝伏惟皇帝陛

下以唐虞莫大之德修湯武無敵之仁富壽于生民
慈儉曰至寶塗山高會執玉帛者華戎瑞譟載書萃
郊藪者麟鳳讓圓靈以玄德推臣下以赤心皇勳帝
功可以封泰山而禪梁甫至德大業可以作韶樂而
建辟雍永隆千載之基高冠百王之業伏念臣藝文
素淺學識非精逢時誤受於聖知中第早塵於睿鑒
代耕以祿歷試諸艱初命授將作監丞再命歷左右
遺補遇郊丘之恩澤轉記事之班資尸素為虞廉勤
益勵仍念榮名之歲親聞金口之言常令各守謙和
莫忘筆硯迨後或漳濱近郡或江外遠官蒞事之餘

修詞敢怠况帶史臣之職慮孤英主之知嘗因疊嶂
危樓既登高而必賦釣臺淺瀨亦倚棹以成詩豈唯
抒子牟戀闕之心其實歌文王南國之化菁英雖寡
編綴靡遺三度拜章聊舉箴規之職八年外任復歸
侍從之班因輒上言却乞在館蒙聖恩之俞允仍舊
貫以編修清閤濡毫愧乏素臣之作丹墀珥筆慙非
右史之才陛下旣以文學知臣敢不以文字報荅
陛下今錄得在睦州編集中歌詩賦頌共十軸謹詣
東上閤門進獻播樂章於金石文彩非工祈睿鑒於
冕旒罪尤可待干冒宸扆臣無任惶恐激切屏營之

至

進河清頌表

臣錫言伏覩中書門下奉宣示澶濮二州奏今月五
日黃河清者伏以千年之運聖祚方興四瀆之中洪
河為長波瀾清泚表嘉瑞以無疆圖謀昭宣協皇家
之有感中謝伏惟皇帝陛下唐虞至德湯武聖功夕
惕勞懷掩文王之勤儉夙興求理侔大禹之諮詢是
以王道融明猶日中之臨照鴻猷浹洽比天覆以恢
崇夷狄綏懷邊防久靜黎元富庶風俗還淳禋宗類
帝以嚴恭續祖承祧以祇慄公田載籍將以奉清廟

之染盛闕典咸修將以報先農之功烈萬邦玉帛方
會於觀耕九曲河源遽聞於飛奏勾芒應律東風已
泮於輕冰川后呈祥習坎不生於濁浪虛明同乎鑒
物清潔可以濯纓潤下朝宗示寰區之靜謐儲靈効
祉知社稷之感通何讓重華臨觀授出圖之異堪嗤
孝武中流告沈玉之誠宜播登歌永光信史豈青雲
干呂能昭文物之朝滄海無波更表聲明之化佇候
白茅藉用薦三脊於泰壇明水潔清首五齊於玄酒
告成功於東岱示底貢於西鯨升中秘玉檢之封永
久嗣瑤圖之盛臣才非典誥職忝演綸文翰是司豈
稱代言之用頌聲合貢用彰盛德之容謹詣東上閭
門進河清頌一首干冒宸嚴無任惶恐抃蹈激切屏
營之至

賀德音表

臣錫言今月二十一日刑部連到德音已畫時施行
訖伏以絲綸作解之恩非時霽霈華夷至和之感向
日歡呼中謝伏惟皇帝陛下神道知幾文明以理金
玉必貞於王度璣衡以奉於天時宜乎二儀萬靈祥
瑞交薦五風十雨稼穡屢豐所以答上帝之高明思
下民之勞苦念其闕乏或貨以餘糧卹其罪辜或省

乎庶獄尚疎法網用滌恩波取連山宥罪之文行出
縛青災之令重刑減降殘賦蠲除仍寬聚嘯之徒俾
啓自新之路人心感悅春雲護肅殺之威帝德昭宣
秋日麗清光之彩臣忝分憂寄方遠丹墀臣無任抃
蹈激切屏營之至

二

臣錫言今月九日夜遞中刑部牒連到德音減降釋
放罪戾者伏以歲時更始制旨惟新協陽春以布和
與品彙以覃慶凡在臨照孰不歡呼中謝伏惟崇文
廣武聖明仁孝皇帝陛下為政以德守位曰仁明義

以禁於民非推恩式致於刑措是以號令渙發當王
正視朔之辰動植咸亨應天道施生之候詔命朝出
寰區夕周重刑遞降於徒流輕罪悉從於釋放山林
聚集之盜容以歸還城池失守之臣許令引見物情
舒泰聖德融明躋人於仁壽之區致理成升平之化
臣忝分符竹屢換星霜近奉詔書即歸丹闕拜聽德
音之宣諭躬先士庶以歡呼仰聖人之道如日中慶
王者之恩及天下臣無任抃蹈激切屏營之至

賀正表

臣錫言伏以千載良辰三陽令朔東風入律雲韶諧

太簇之音北闕稱觴簪紱慶華封之祝伏惟尊號皇
帝陛下明融瑞日德動玄穹皇極中庸納生靈於壽
域青陽左介布政令於明堂璿樞頌正始之文寶曆
永無窮之祚臣忝膺重寄方遠明連無任瞻天祝聖
抃蹈激切屏營之至

賀冬表

臣錫言伏以氣序方周陽和來復祥雲五色映瑞日
以堪書丹鳳九苞應黃鍾而率舞伏惟法天崇道皇
帝陛下膺乾納祐與天同休臣叨奉詔條出分重寄
土圭測影空傾葵藿之心玉殿歡呼莫與鸞鴻之列

臣無任瞻天祝聖抃蹈屏營之至

二

臣錫言伏以一陽葦故萬彙鼎新雲物呈祥珥筆可
書於魯觀日華表瑞測圭增麗於堯階伏惟尊號皇
帝陛下德合穹蒼功宣造化聰明文思之道光被華
夷陰陽寒暑之機昭符言動玉璫慶履長之節瑤圖
膺惟永之期臣叨奉朝章出分郡寄黃鍾應律空馳
率舞之心景殿稱觴莫與歡呼之列臣無任瞻天祝
聖抃蹈激切屏營之至

進乾明節祝聖壽詩表

臣錫言伏以節逢降誕運屬升平禹貢萬邦賀紫禁
延齡之慶漢官百辟有黃金為壽之儀若以詩綺靡
於緣情頌形容於盛德上采賡歌之旨旁宗大雅之
詞律以新聲文之近體為理世變風之什慶良辰繞
電之祥用表精虔實符忠願中謝伏惟皇帝陛下睿
聖凝圖文明致理三雍禮樂敦風教於昌期萬國黎
元悅仁和於太古封人受賜歡呼祝壽之時丹鳳有
靈鼓舞聞韶之際伏念臣素無文藝叨受皇恩備位
諫垣未舉箴規之職出官河朔慙非經略之才子牟
雙闕之心欣逢令節堯帝千齡之福願與稱觴情動
于中詩聲于外因成乾明節祝聖壽七言詩十九首
謹繕寫進呈干冒宸聰臣無任瞻天戀聖慶抃激切
屏營之至

謝勅書獎喻上章表

臣錫言臣今月十九日伏奉勅書以臣所貢封章特
加獎喻仰荷皇明之鑒寧勝光寵之詞榮抃徬徨啓
處無地中謝臣聞敢諫非易納諫尤難蓋以臣下抗
言多致觸鱗之怒帝王至貴駭聞逆耳之言苟非天
鑒昭彰臣誠果敢何以見聖主優容之德何以伸直
臣謇諤之心所以陶唐盛時猶設登聞之鼓有虞至

理許書告善之旌蓋思誘敢言之臣亦欲聞未知之
事伏念臣遭逢陛下塵忝諫官雖精誠之中思有所
報而激切之志未有所伸近者伏蒙聖恩榮有美遣
當金殿入辭之際洎天階宣上之時遂以實封直進
御座小臣愚昧所見尋常妄言軍國要機朝廷大體
退而恐懼伏待誅夷然於忠亮之心少贖貪饕之罪
豈期聖造特軫皇慈優降詔書褒稱賤品仍頒御札
宣示羣臣見皇王鑒燭之明示天地包容之量朝廷
雖理而陛下未以為理黎庶雖安而陛下未以為安
自此言路洞開朝綱益整所謂堯惜一夫之不獲舜
於一善而悅聞成湯之德益新大禹之謨自遠太平
已致比屋可封豈獨微臣之榮諒實天下之幸臣無
任感恩荷聖激切屏營之至

謝除右補闕表

臣錫言臣本月二十日於天雄軍得河北南路轉運
副使李瑄差軍將賫送進奏院遞到官告一通勅牒
一道伏蒙聖慈授臣右補闕餘如故者綸言進秩諫
省增榮祇荷寵章徬徨交積中謝伏念臣叨居侍從
有玷清華薄才悞受於聖知非次驟分於憂寄積粟
備邊之榮豈是所能豐財利國之謀又非素習伏遇

禮行清廟功告圓丘慶澤惟新雖下周於庶品優恩
特異俄叙轉於華資臣每讀唐書載觀名士裴度蘊
三公之業歷此清途吳兢有良史之才當茲衰職臣
識非淹邃辭愧菁英直館踰年未舉編修之職乘軺
將命俄兼飛輓之司微効弗伸榮遷驟至太平無事
忠言寧補於皇猷封禪有期覲禮但思於丹闕臣伏
限所守不獲奔詣宸階無任瞻天戀聖感恩激切歡
呼屏營之至

賀曹彬奏勝捷表

臣錫言今月七日進奏院狀報三月十七日并州鷹

門兩路前軍都部署侍中曹彬等奏三月八日并十
日殺下蕃賊二千餘人餘三千餘人傷中其餘並皆
逃遯并涿州寰州等偽命官吏率百姓僧道歸降已
安撫訖者伏以皇威大振戎捷遐聞才興貔虎之師
遠破犬羊之衆照臨所被歡抃皆同中謝伏惟尊號
皇帝陛下撫寧萬國底定三邊武經方詠於止戈文
德誕敷於振鐸尚以薊門遺俗久不隔於虜廷燕朔
舊疆宜復歸於王略安邊上策或伐叛以懷來命帥
嘉謀亦乘機而破敵滹水朝宗之浪方鼓威聲藁街
獻捷之音載光睿算臣伏限所守不獲奔詣闕廷無

任瞻天戀聖歡呼激切屏營之至

賀潘美奏勝捷表

臣錫言今月十三日進奏院狀報三月十九日至二十日雲應幽朔等州行營都部署太師潘美等奏偽命節度副使趙希贊等率軍民一萬五千餘人歸降并飛狐北殺下賊軍三萬餘人活捉到偽命冀州防禦使太鵬翼康州刺史馬贊已下及收到衣甲器械羊馬牛畜牌印等不少者伏以睿算無遺王師繼捷塞外之飛章疊至寰中之吉語交聞中謝伏惟尊號皇帝陛下聖德昭彰天機果斷垂衣裳而致理治即用文利弧矢以宣威動惟經武狼星未滅宜鈇鉞以專征虜旅爭先鼓雷霆之奮怒佇係單于之頸郊廟獻俘即覃英主之恩榮勳飲至車書混一曆數登三表瑤圖保大之功行玉檢告成之禮臣限拘外任恭聽捷音無任歡呼慶快激切屏營之至

賀容懷意奏勝捷表

臣錫言今月十七日進奏報三月二十五日至二十六日內品容懷意等走馬到關奏大軍於涿州南殺下蕃賊一千餘人并應州及飛狐軍偽命官吏率所屬一萬餘人歸降收到衣甲鞍馬錢帛糧草不少者

伏以廟朝決勝將帥成功四夷八蠻益震威加之令
一月三捷未如神速之謀光被照臨同深慶快中謝
臣聞周稱獫狁漢曰匈奴負恩則違背驩盟肆暴則
侵撓邊鄙苟非皇威景鑠王道融明授金鉞以專征
出玉關而拓境則何以致腥羶族類來朝禮義之鄉
瀉鹵山川復正要荒之服伏惟尊號皇帝陛下至仁
無敵我武惟揚以帝堯丹浦之師破醜虜黑山之衆
未踰浹日連下數城豈煩築壘以受降但慶獻俘而
執馘飲馬長城之窟金石登歌鳴鸞日觀之峯人神
共悅臣任當求瘼職忝記言屢聞奏捷之音限遠對
敷之列臣無任惶戀歡呼激切屏營之至

賀潘吉奏勝捷表

臣錫言今月二十六日進奏院狀報外殿直潘吉今
月三日走馬到闕奏三月二十八日大軍到靈丘城
下偽命官屬七十餘人歸降收到衣甲器械錢帛糧
草不少者伏以王者之師有征無戰廟謀之勝一舉
萬全捷音屢下於邊城喜氣彌高於率土中謝伏惟
尊號皇帝陛下日新聖德天贊皇勳舜干方舞於兩
階禹會志朝於萬國蠢茲戎醜敢道靈誅勞將帥以
專征出車徒而薄伐天山牧馬瀚海洗兵我師無遺

鏃之勤彼寇有絕弦之敗燕然銘勒信千載之一時
梁甫直邊俟八鸞之肆覲臣亟聞飛奏但切歎呼白
日傾葵藿之心滄溟繫瓠瓜之迹不獲隨例蹈舞闕
遊臣無任慶快惶戀激切屏營之至

賀李規奏勝捷表

臣錫言今月三日進奏院狀報四月九日外殿直李
規走馬到闕奏大軍收下雲州殺戮賊軍並盡所有
百姓並依聖旨存留安撫訖并收到衣甲器械鞍馬
錢帛糧草極多者伏以王師乘勝戎壘克平盡白日
之照臨慶皇家之勝捷中謝伏惟尊號皇帝陛下恩

流萬國威馭四夷執玉塗山獫狁曠賓王之禮洗兵
瀚海嫫姚成破虜之勳嬰城固守者必誅後后昭蘇
者即赦果霈涵濡之澤俾新汙染之民七德彰明三
邊靜謐佇魁渠之係頸生致闕達用億兆以為心躋
于壽域臣忝分朝寄遠在海涯恨無羽翼以奮飛徒
仰天顏於咫尺臣無任惶戀歡呼激切屏營之至

賀張明奏勝捷表

臣錫言今月七日進奏院狀報四月九日至十一日
外殿直張明等相次走馬到闕奏大軍於新城東北
并蔚州南飛狐口殺下蕃賊二千餘人活捉到四百

餘人收到鞍馬衣甲器械不少内外文武臣寮取十
三日稱賀者伏以細柳出兵仗皇威而必勝甘泉舉
燧與飛走以俱來凡聞克捷之音共慶蕩平之榮中
謝伏以王者用刑之理叛則先誅戎人伏莽之心困
猶思鬪伏惟尊號皇帝陛下兆民子育六合家為享
大信於豚魚薰至和於草木所以嘉禾生而靈芝出
白雉貢而丹鳳來蠢茲種落之人不及飛鳴之類敢
背恩信尚肆陸梁勞沙寨以驅除汗霜鋒之殺戮雲
驅雷掃蠹散狼嗥委戈甲以谷量牧馬牛於風逸猛
將與謀臣之捷青史書勲三公率百辟以朝黃金上
壽臣忝分憂寄屢聽邊功美盛德之形容空思作頌
慶吉音而鼓舞莫覩獻俘臣無任歡呼惶戀激切屏
營之至

賀簡昌壽奏勝捷表

臣錫言今月十一日進奏院狀報四月十八日內品
簡昌壽走馬到闕奏大甲於飛狐北口下寨有蕃賊
救援蔚州尋趕趨二十餘里殺下首領二人并殺契
丹三千餘人捉到馬三百餘匹收到衣甲器械不少
者伏以驅除戎狄恢復邊陲四方聞勝捷之音千載
慶升平之運中謝伏惟尊號皇帝陛下功超邃古道

掩前王念汙俗之來蘇軫漁陽之未下風雷威令體
天道之惡盈輦鼓戒嚴謀帥臣之薄伐追奔逐北斬
馘獻俘以敗不相救之戎兵立舉必成功之榮佇
清氛稷即詠凱旋漢家無烽火之虞禹畫正要荒之
服臣限違朝關叨守詔條陪壽觴稱慶以無由望魏
關歡呼而但切臣無任抃蹈惶戀激切屏營之至

賀張冲奏勝捷表

臣錫言今月十六日進奏院狀報四月二十五日張
冲走馬赴關奏大軍在蔚州城下有城內壯丁許彥
欽等結連本城兵士五千餘人殺逐出契丹首領蕭

毀理及投到偽命同州節度使充蔚州鹽城使耿紹
并男孫共四人把定城池歸明尋入城安撫者伏以
廟社垂靈邊疆克復三軍勇勝之勢迅如疾雷萬方
慶快之心融為和氣中謝伏惟尊號皇帝陛下體法
玄穹建用皇極勝妖以聖明之德禦侮行仁義之師
禹別九州夷狄遠居於荒外唐分十道雲嵐近在於
河東戎性不常狼心既野中原多事叛違則輒肆侵
漁聖主臨朝攻取則自然敗衄城中士庶或逐出於
元凶塞外纓緜或生擒於渠帥斯乃天贊平戎之榮
神資無敵之謀致彼人心自相矛盾成我國討不動

干戈金微玉關復置羈縻之郡柳秋杜 佇旋邏迺
之兵昭彰聖功歌詠睿德臣伏限所守恭聽捷音阻
觀露布以獻俘但仰雲天而拜慶臣無任歡呼惶戀
激切屏營之至

賀盧漢賚奏勝捷表

臣錫言今月二十三日進奏院報十二月二十五日
代州駐泊副部署盧漢賚等差高班內品李延遇入
奏契丹賊軍入界打劫尋於土鐙寨殺下蕃賊斫到
首級二千餘个活捉到契丹五百餘人馬一千餘匹
及殺下北大王男一人監軍舍利一人首級奪到牛

羊車帳衣甲器械不少者伏以方隅勝捷之音天聰
遠達華夏歡呼之列日域遐周中謝臣聞邊鄙之虞
有備無患蕃戎之性驅去復來是資邏迺之兵時聞
克捷可賞嫖姚之將屢獻功勳伏惟尊號皇帝陛下
道德為藩慈儉日寶王度貞明於金玉皇風混一於
車書戎狄來朝必飾藁街之館犬羊入寇即興榆塞
之師用憲章五帝之謀得駕御四夷之術俘囚操袂
郊廟登歌彰軍禮之允修見睿謀之不測臣方膺詔
旨將赴關連臣無任瞻天望聖歡抃激切之至

咸平集卷第二十三終



